


20
12

東 京 図 書 館
漢 書 門
正 史 類
別 函 架 號
三 五 五
二 〇 〇
冊 架 號


漢 書 門
五 九 五
一 〇 五
二 〇 〇
冊 架 號 類

内 閣 文 庫
漢 書
五 九 五
二 〇 〇
冊 架 號 類
三 〇 〇
函 架 號

内 閣 文 庫		
番 號	漢	5955
冊 數	20	(15)
函 號	320	24



綴じ部(喉部分)の文字など開きが不鮮明な箇所あり



武勳列傳卷第二十

二十

隋書卷十五

杜彥

特准臣魏

漢

威

大魏書

杜彥雲中人也父遷屬昌黎之亂徙家於幽

騎射仕周釋褐左侍上士後從柱國陸通擊陳將吳明徹

於土州破之又擊叛蠻寇倉垣白楊二柵并斬其渠帥進

平邳州賊帥樊志以戰功拜大都督尋遷儀同右隆山郡

率明年拜隴州刺史賜爵永安縣伯高祖為丞相從嘉手

寬擊尉迥於相州每戰有功賜物三千段奴婢二十口世

位上開府改封襄武縣侯拜魏郡太守開皇初授丹州刺

卷二十

史進爵爲公後六歲徵爲左武衛將軍平陳之役以行軍
總管與新義公韓擒相繼而進軍至南陵賊屯據江岸於
遣儀同樊子蓋率精兵擊破其柵獲船六百餘艘度江擊
南陵城拔之擒其守將許翼進至新林與擒合軍及陳平
賜物五千段粟六千石進位柱國賜子寶安爵曰陽縣公
高智慧等之作亂也復以行軍總管從楊素討之別解江
州圍智慧餘黨往往屯聚保投溪洞彥水陸兼進攻錦山
陽父若石壁四洞悉平之皆斬其渠帥賊李陁擁衆數千
據彭山彥襲擊破之斬陁傳其首又擊徐州宜豐二洞悉
平之賜奴婢百餘口拜洪州總管甚有治名歲餘雲州總
管高貞妻子幹卒上悼惜者久之因謂侍臣曰榆林國之重
鎮安得子幹之輩乎後數日上曰吾思可以鎮榆林者莫
過杜彥於是徵拜雲州總管突厥來寇彥輒擒斬之北夷
畏憚胡馬不敢至後數年朝廷復追錄前功賜子寶慶
爵承縣公十八年遼東之役以行軍總管從漢王至營州
上以彥曉習軍旅令總統五十營事及還拜朔州總管大
破復寇雲州上令楊素擊走之是後猶恐爲邊患以彥素
爲突厥所憚復拜雲州總管未幾以疾徵還卒時年六十
子寶慶大業末文城郡丞

高勣

高勳字敬德渤海脩人也齊太尉清河王岳之子也幼聰敏羨風儀以仁孝聞為齊祖所愛年七歲襲爵清河王十四為青州刺史歷右衛將軍領軍大將軍祠部尚書開府儀同三司改封樂安王性剛直有才幹甚為時人所重斛律明月雅敬之每有征伐則引之為副遷侍中尚書右僕射及後主為周師所敗勳奉太后歸鄴時宦官放縱儀同苟子溢尤稱寵幸勳將斬之以徇太后救之乃釋劉文殊竊謂勳曰子溢之徒言成禍福何得如此勳攘袂曰今者西寇日侵朝貴多叛正由此輩弄權致使衣冠解體若得今日殺之明日受誅無所恨也文殊甚愧既至鄴勳後

主五品已上家累悉置三臺之上因齊之曰若戰不捷則燒之此輩惜妻子必當死戰可取也後主不從遂棄鄴東遁勳還後殿為周軍所得武帝見之與語大悅因問齊亡所由勳發言流涕悲不自勝帝亦為之改容授開府儀同三司高祖為丞相謂勳曰齊所以亡者由任邪佞公父子忠良聞於鄰境宜善自愛勳再拜謝曰勳亡齊末屬世荷恩榮不能扶危定傾以致淪覆既蒙獲宥恩幸已多况復濫叨名位致遠之官謗高祖其器之以勳檢校揚州事後拜楚州刺史民安之先是城北有伍子胥廟其俗敬鬼神禱者必以牛酒至破產業勳歎曰子胥賢者豈宜損百姓乎

乃告諭所部自此遂止百姓賴之七年轉光州刺史上取
陳五策又上表曰臣聞夷凶翦暴王者之懋功取亂侮亡
往賢之雅誥是以由民逆命爰興兩階之舞有德不賓終
召六師之伐昔所以寧一寓內匡濟群生者也自昔晉氏
失馭天網絕維群凶於焉蠲起三方因而鼎立陳氏乘其
際通拔起細微稽頊縱其長蛇竊據吳會叔寶肆其昏虐
毒被金陵數年已來荒悖滋甚牝雞司旦眊近姦回尚方
役徒積骸千數疆場防守長成三年或微行暴露沉湎王
侯之宅或奔馳駿騎顛隊康衢之首有功不賞無辜獲戮
烽燧日警未以為虞耽淫靡慢不知紀極天厭亂德妖實

人興或空裏時有大聲或行路共傳口心怪或剗人肝以祠
天狗或自捨身以厭妖訛民神怨憤災異存發天時人事
昭然可知臣以庸才猥蒙朝寄頻歷藩任與其鄰接密邇
仇讎知其動輒用天討有罪此即其時若戎車雷動戈舡電
邁巨鯨驚怯請效鷹犬高祖覽表嘉之答以優詔及大舉
伐陳以勦為行軍總管從宜陽公王世積下陳江州以功
拜上開府賜物三千段隴右諸寇數為寇亂朝廷以勦有
威名拜洮州刺史下車大崇威惠民夷悅附其山谷間生
羗相率詣府稱謁前後至者數千餘戶豪猾屏迹路不拾
遺在職數年稱為治理後遇吐谷渾來寇勦遇疾不能拒

戰賊遂大掠而去憲司奏勳亡失戶口又言受羗饋遺竟坐免官後卒於家時年五十六子士廉最知名

朱敬

朱敬字乾羅秀容契胡人朱榮之族子也父彥伯官至司徒博陵王齊神武帝韓陵之捷盡誅朱氏敬小隨母養於宮中及年十二自竇而走至于大街見童兒群戲者敬解所著綺羅金翠之服易衣而遁追騎尋至初不識敬便執綺衣兒比究問知非會日已暮由是得免遂入一村見長孫氏媪踞胡床而坐敬卽拜求哀長孫氏愍之藏於複壁三年購之愈急迹且至言以孫氏曰事急矣不可久

留資而遣之遂詐爲道士變姓名隱高山略涉經史數年之間人頗異之嘗獨坐巖石之下泫然而歎曰吾豈終於此乎伍子胥獨何人也於是間行微服西歸于周太祖見而禮之拜大都督行臺郎中封靈壽縣伯邑千五百戶遷通直散騎常侍轉車騎大將軍儀同三司進爵爲侯保定中遷使持節驃騎大將軍開府儀同三司天和中增邑五百戶歷信臨熊潼四州刺史進爵爲公武帝東征上表求從許之攻城陷陣所當皆破進位上開府除南光州刺史入爲護軍大將軍歲餘轉膠州刺史於是迎長孫氏及第置於家厚資給之高祖受禪改封邊城郡公黔安蠻叛命

敵討平之師旋拜金州總管尋轉徐州總管在職數年號
為明肅民吏懼之後以年老上表乞骸骨賜二馬輅車歸
於河內卒於家時年七十二子最嗣

周搖

周搖字世安其先與後魏同源初為普乃氏及居洛陽改
為周氏曾祖拔拔祖石六肱俱為北平王父恕延歷行臺
僕射南荊州總管祖少剛果有武藝性謹厚動遵法度仕
魏官至開府儀同三司周閔帝受禪賜姓車非氏封金水
郡公歷鳳楚二州刺史吏民安之從帝平齊每戰有功超
授柱國進封夔國公未幾拜晉州總管時高祖為定州總

管文獻皇后自示師詣高祖路經搖所主禮甚薄既而白
后曰公解甚富於財限法不敢輒費又王臣無得効私其
質直如此高祖以其奉法每嘉之及為丞相徙封濟北郡
公尋拜豫州總管高祖受禪復姓周氏開皇初突厥寇邊
燕剌多被其患前總管李崇為虜所殺上思所以鎮之臨
朝曰無以加周搖者拜為幽州總管六州五十鎮諸軍事搖
修鄣塞謹斥候邊民以安後六載徙為壽州初自以年老
乞骸骨上召之既引見上勞之曰公積行累仁歷仕三代
克終富貴保茲遐壽良足善也賜坐褥歸於第歲餘終于
家謚曰恭時年八十四

獨孤楷

獨孤楷字脩則不知何許人也本姓李氏父屯從齊神武帝與周師戰于沙苑齊師敗績因為柱國獨孤信所擒配為士伍給使信家漸得親近因賜姓獨孤氏楷少謹厚便弄馬槊為宇文護執刀累轉車騎將軍其後數從征伐賜爵廣阿縣公邑千戶拜右侍下大夫周末從韋孝寬平淮南以功賜子景雲爵西河縣公高祖為丞相進授開府每督親信兵及受禪拜右監門將軍進汝陽郡公數歲遷右衛將軍仁壽初出為原州總管時王秀鎮益州上徵之猶豫未發朝廷以心秀生變拜楷益總管馳傳代之果

有異志楷諷諭久之乃就路楷察秀有悔色因勒兵為備秀至興樂去益州四十餘里將反襲楷密令左右覘所為知楷不可犯而止楷在益州甚有惠政蜀中父老于今稱之煬帝即位轉并州總管遇疾喪明上表乞骸骨帝曰公先朝舊臣歷職二代高風素望足以鎮之無勞躬親薄領也遣其長子凌雲監省郡事其見重如此數載轉長平太守未視事而卒謚曰恭子凌雲平雲彥雲皆不知名楷弟盛見誠節傳

乞伏慧

乞伏慧字令和馬邑鮮卑人也祖周魏銀青光祿大夫父

纂金紫光祿大夫並為第一領民酋長慧少慷慨有大節
 便弓馬好鷹犬齊文襄帝時為行臺左丞加蕩寇將軍累
 遷右衛將軍太僕卿自永寧縣公封宜民郡王其兄貴和
 又以軍功為王一門二王稱為貴顯周武平齊授使持節
 開府儀同大將軍拜伏飛右旅下大夫轉熊渠中大夫高
 祖為丞相從韋孝寬擊尉惇於武陟所當皆破授大將軍
 賜物八百段及平尉迴進位柱國賜爵西河郡公邑三千
 戶賚物二千三百段請以官爵讓兄朝廷不許論者義之
 高祖受禪拜曹州刺史曹土舊俗民多姦隱戶口簿帳恒
 不實慧下車按察得戶數萬遷涼州總管先是突厥屢為

寇抄慧於是嚴警烽燧遠為岸候虜亦素憚其名竟不入
 境歲餘轉齊州刺史得隱戶數千遷壽州總管其年左轉
 杞州刺史在職數年遷徐州總管時年逾七十上表求致
 仕不許俄轉荊州總管又領潭桂二州總管三十一州諸
 軍事其俗輕剽慧躬行樸素以矯之風化大洽曾見人以
 簞捕魚者出綃買而放之其仁心如此百姓美之號其處
 曰西河公簞轉秦州總管煬帝即位為天水太守大業五
 年征吐谷渾郡濱西境民苦勞役又遇帝西巡坐為道不
 整獻食踈薄帝大怒命左右斬之見其無髮乃釋除名為
 民卒於家

張威

張威不知何許人也父琛魏弘農太守威少惆儻有大志
善騎射膂力過人在周數從征伐位至柱國京兆尹封長
壽縣公邑千戶王謙作亂高祖以威為行軍總管從元帥
梁睿擊之軍次通谷謙守將李三王擁勁兵拒守睿以威
為先鋒三王初閉壘不戰威令人罵侮以激怒之三王果
出陣威令壯士奮擊三王軍潰大兵繼至於是擒斬四千
餘人進至開遠謙將趙儼眾十萬連營三十里威鑿山通
道自西領攻其背儼遂敗走追至成都與謙大戰威將中軍
及謙平進位上柱國拜瀘州總管高祖受禪歷幽洛二州

總管改封晉熙郡公尋拜河
北道行臺僕射後督晉王軍
府事數年拜青州總管賜錢
八十萬米五百石雜綵三百
段威在青州頗治產業遺家
奴於民間鬻鬻盧服根其奴緣
此侵擾百姓上深加譴責坐
廢於家後從上祠太山至洛
陽上謂威曰自朕之有天下
可委公以重鎮可謂推赤心
矣何乃不脩名行唯利是視
豈直孤負朕心亦且累御名
德因問威曰公所執笏令安
在威頓首曰臣負罪虧憲無
顏復執謹藏於家上曰可持
示威明日奉笏以見上曰公
雖不遵法度功效實多朕不
心之今還公笏於是復拜洛
州刺史後封皖城郡公尋轉
相州刺史卒官有子植大業

列傳三十一 隋書卷五十五

列傳三十一

隋書卷五十五

七

中至武賁郎將

和洪

和洪汝南人也少有武力勇烈過人周武帝時數從征伐以戰功累遷車騎大將軍儀同三司時龍州蠻任公所李國立等聚衆為亂刺史獨孤善不能禦朝議以洪有武畧代善為刺史月餘禱公所國立皆斬首梟之餘黨悉平從帝攻河陰洪力戰陷其西門帝壯之賞物千段復從帝平齊進位上儀同賜爵北平侯邑八百戶拜左勳曹下大夫柱國王軌之擒吳明徹也洪有功焉加位開府遷折衝中大夫尉迴作亂相州以洪為行軍總管從韋孝寬擊之軍

至河陽迴遣兵圍懷州洪與總管宇文述等擊走又破尉惇於武陟及平相州每戰有功拜柱國封廣武郡公邑二千戶前後賜物萬段奴婢五十口金銀各百挺牛馬百匹時東夏初平物情尚梗高祖以洪有威令領冀州事甚得人和數歲徵入朝為漕渠總管監轉并泗州刺史屬突厥寇邊詔洪為北道行軍總管擊走虜至磧而還後遷徐州總管卒時年六十四

侯莫陳穎

侯莫陳穎字導道代人也與魏南遷世為列將父崇魏周之際歷職顯要官至大司空穎少有器量風神警發為時

輦所推魏大統末以父軍功賜爵廣平侯累遷開府儀同
三司周武帝時從滕王道擊吐泉文城叛胡與柱國豆盧
勣各帥兵分路而進穎懸軍七百里餘破其三柵先是稽
胡叛亂輒略邊人為奴婢至且人詔胡敢有壓匿良人者誅
籍沒其妻子有人言為胡村以隱匿者勣將誅之穎謂勣
曰將在外君命有所不行諸胡固非采反但相迫脅為亂
耳大兵臨之首亂者知懼脅從者思降今漸加撫慰自可
不戰而定如即誅之轉相驚恐為難不細未若召其渠帥
以隱匿者付之令自歸首則群胡可安勣從之群胡感悅
爭來降附北土以安遷司武加振威中大夫高祖為丞相

拜昌州刺史會受禪竟不行加上開府進爵昇平郡公俄
拜延州刺史數年轉陳州刺史平陳之役以行軍總管從
秦王俊出魯山道屬陳將荀法尚陳紀降穎與行軍總管
段文振度江安集初附尋拜饒州刺史未之官遷瀛州刺
史甚有惠政在職數年坐與秦王俊交通免官百姓將送
者莫不流涕因相與立碑頌穎清德未幾檢校汾州事俄
拜邢州刺史仁壽中吏部尚書牛弘持節巡撫山東以穎
為第一高祖嘉歎優詔褒揚時朝廷以嶺南刺史縣令多
貪鄙蠻夷怨叛妙簡清吏以鎮撫之於是徵穎入朝及進
見上與穎言及平生以為歡笑數日進位大將軍拜桂州

總管十七州諸軍事賜物而遣之及到官大崇恩信民夷
悅服溪洞生越多來歸附煬帝即位穎兄梁國公芮坐事
徙邊朝廷恐穎不自安徵歸京師數年拜恒山太守其年
嶺南閩越多不附帝以穎前在桂州有惠政為南土所信
伏復拜南海太守後四歲卒官謚曰定子虔會最知名
史臣曰杜彥東夏南服屢有戰功作鎮朔垂胡塵不起高
勦死亡之際志氣慄然疾彼姦邪致茲餘慶余朱敞幼有
權竒終能止足崇基墜而復構不亦仁且智乎周搖以質
實見知獨孤以恤人流譽乞伏慧能以國讓侯莫陳所居
治理或知牧人之道或踐仁義之路皆有可稱焉慧從帳
不厚至於放黜並結髮登朝出入二代終享祿位不天性
齡蓋其任心而行不為矯飾之所致也

列傳卷第二十

隋書五十五

後漢書卷二十一

新書五十五

劉蓋其封公而子不為爵人而後也

不學李公好博而後其爵出人二內終年終而不夫也

列傳卷第二十一

明書五十六

特進臣魏

徵

上

盧愷

盧愷字長仁涿郡范陽人也父柔終於魏中書監愷性孝友神情爽悟略涉書記頗解屬文周齊王憲引為記室其後襲爵容城伯邑千一百戶從憲伐齊愷說柏杜鎮下之遷小吏部大夫增邑七百戶染工上士王神歡者嘗以賂自進家宰宇文護擢為計部下大夫愷諫曰古者登高能賦可為大夫求賢審官理須詳慎今神歡出自染工更無殊異徒以家富自通遂與搢紳並列實恐惟鷄之刺聞之

外境護竟寢其事建德中增邑二百戶歲餘轉內史下大
夫武帝在雲陽宮勅詣屯簡老牛欲以享士愷進諫曰昔
田子方贖老馬君子以爲美談向奉明勅欲以老牛享士
有虧仁政帝美其言而止轉禮部大夫爲聘陳使副先是
行人多從其國禮及愷爲使一依本朝陳人莫能屈四年
秋李穆授軹關柏崖二鎮命愷作露布帝讀之大悅曰盧
愷文章大進荀景倩故是令君之子尋授襄州總管司錄
轉治中大象元年徵拜東京吏部大夫開皇初加上儀司
三司除尚書吏部侍郎進爲侯仍攝尚書左丞每有敷
奏侃然正色雖逢喜怒不以貧常帝嘉愷有吏幹賜錢二

十萬并賚雜綵三百匹加散騎常侍八年上親考百寮以
愷爲上愷固讓不敢受高祖曰吏部勤幹舊所聞悉今者
上考僉議攸同當仁不讓何愧之有皆在朕心無勞飾讓
歲餘拜禮部尚書攝吏部尚書事會國子博士何妥與右
僕射蘇威不平奏威陰事愷坐與相連上以愷屬吏憲司
奏愷曰房恭懿者尉遲迴之黨不當仕進威愷二人曲相薦
達累轉爲海州刺史又吏部預選者甚多愷不即授官皆
注色而遣威之從父弟徹肅二人並以鄉正徵詣吏部徹
文狀後至而先任用肅左足孿蹇才用無算愷以威故授
朝請郎愷之朋黨事甚明白上大怒曰愷敢將天官以爲

私恩愷免冠頓首曰皇太子將以通事舍人蘇夔為舍人
夔即蘇威之子臣以夔未當遷固啓而止臣若與威有私
豈當如此上曰蘇威之子朝廷共知卿乃固執以徼身倖
至所不知者便行朋附姦臣之行也於是除名為百姓未
幾卒于家自周氏以降選無清濁及愷攝吏部與薛道衡
陸彥師等甄別士流故涉黨固之譖遂及於此子義恭嗣

令狐熙

令狐熙字長熙燉煌人也代為西州豪右父整仕周官至
大將軍始豐二州刺史熙性嚴重有雅量雖在私室終日
儼然不妄通賓客凡所交結必一時名士博覽群書尤明

三禮善騎射頗知音律起家以通經為吏部上士尋授
都督輔國將軍轉夏官府都上士俱有能名以母憂去職
殆不勝喪其父戒之曰大孝在於安親義不絕嗣吾今見
存汝又復立何得過爾毀頓貽吾憂也熙自是稍加饘粥
服闋除小駕部復丁父憂非杖不起人有聞其哭聲莫不
為之下泣河陰之役詔令墨纒從事還授職方下大夫襲
爵彭陽縣公邑二千一百戶及武帝平齊以留守功增邑
六百戶位儀同歷司勳吏部曹中大夫甚有當時之譽
高祖受禪之際熙以本官行納言事尋除司徒左長史加
上儀同進爵河南郡公時吐谷渾寇邊以行軍長史從元

帥元諧討之以功進位上開府會蜀王秀出鎮於蜀綱紀
之選感屬正人以熙為益州總管長史未之官拜澧州刺
史時山東盛齊之弊戶口簿籍類不以實熙曉諭之令自
歸首至者一萬戶在職數年風教大洽稱為良二千石開
皇四年上幸洛陽熙來朝吏民恐其遷易悲泣於道及熙
復還百姓出境迎謁歡呼盈路在州獲白鳥白鷹嘉麥甘
露降於庭前柳樹八年徙為河北道行臺度支尚書吏民
追思相與立碑頌德及行臺廢授并州總管司馬後徵為
雍州別駕尋為長史遷鴻臚卿後以本官兼吏部尚書在
判五曹尚書事號為明幹上甚任之及上祠太山還次汴

州惡其殷盛多有姦俠於是以熙為汴州刺史下車禁游
食抑工商民有向街開門者杜之船客停於郭外星居者
勒為聚落僑人逐令歸本其有滯獄並決遣之令行禁止
稱為良政上聞而嘉之顧謂侍臣曰鄴都天下難理處也
勅相州刺史巨盧通令習熙之法其年來朝考績為天下
之最賜帛三百匹頒告天下上以嶺南夷越數為反亂徵
拜桂州總管十七州諸軍事許以便宜從事刺史以下官
得奉制補授給帳內五百人賜帛五百匹發傳送其家累
改封武康郡公熙至部大弘恩信其溪洞渠帥更相謂曰
前時總管皆以兵威相脅今者乃以手教相諭我輩真可

遠乎於是相率歸附先是州縣生梗長吏多不得之官寄
政於總管府熙悉遣之為建城邑開設學校華夷感敬稱
為大化時有甯猛力者與陳後主同日生自言貌有貴相
在陳日已據南海平陳後高祖因而撫之即拜安州刺史
然驕倨恃其阻險未嘗參謁熙手書諭之申以交友之分
其母有疾熙復遣以藥物猛力感之詣府請謁不敢為非
熙以州縣多有同名者於是奏改安州為欽州黃州為峯
州利州為智州德州為驩州東寧為融州上皆從之在職
數年上表曰臣忝寄嶺表四載于茲太馬之年六十有一
才輕任重媿懼兼深常願收拙避賢稍免官謗然所管遐

曠得撫尤難難

能頓革其風力漸識皇化但臣夙患

消渴况更增甚氣力精神轉就衰邁昔在壯齒猶不如人

况今年疾俱侵言可猶當重寄請解所任優詔不許賜以

醫藥熙奉詔令方州渠帥李佛子入朝佛子欲為亂請至

仲冬上道熙意在羈縻遂從之有人詣闕訟熙受佛子賂

而捨之上聞而固疑之既而佛子反問至上大怒以為信

然遣使者鎖熙詣闕熙性素剛鬱鬱不得志行至永州憂

憤發病而卒時年六十三上怒不解於是沒其家財及行

軍總管劉方擒佛子送於京師言熙實無贓貨上乃悟於

是召其四子聽預仕焉少子德榮最知名

薛冑

薛冑字紹玄河東汾陰人也父端周蔡州刺史冑亦聰明
 每覽異書便曉其義常歎訓注者不會聖人深旨每以意
 辯之諸儒莫不稱善性慷慨志立功名周明帝時罷爵文
 城郡公累遷上儀同尋拜司金大夫後加開府高祖受禪
 擢拜魯州刺史未之官檢校廬州總管事尋除兗州刺史
 及到官繫囚數百冑剖斷旬日便了囹圄空虛有陳州人
 向道力者偽作高平郡守將之官冑遇諸塗察其有異將
 留詰之司馬王君馥固諫乃聽詣郡既而悔之即遣主簿
 追禁道力有部人徐俱羅者嘗任海陵郡守先是已為道

力偽代之比至秩滿公私不悟俱羅遂語君馥曰向道力
 以經代俱羅為郡使君豈容疑之君馥以俱羅所陳又固
 請冑冑呵君馥曰吾已察知此人詐也司馬容姦當連其
 坐君馥乃止遂往收之道力懼而引偽其髮髮摘伏皆比
 類也時人謂為神明先是兗州城東沂泗二水合而南流
 汎濫大澤中冑遂積石堰之使決令西注陂澤盡為良田
 又通轉運利盡淮海百姓賴之號為薛公豐兗渠冑以天
 下太平登封告禪帝王盛烈遂遣博士登太山觀古跡撰
 封禪圖及儀上之高祖謙讓不許後轉郢州刺史前後俱
 有惠政徵拜衛尉卿尋轉大理卿持法寬平名為稱職後

遷刑部尚書時左僕射高頴稍被疎忌及王世積之誅也
頴事與相連上因此欲成頴罪曹明雪之正議其獄由是
忤旨械繫之久而得免檢校相州事其有能名會皇天諒
作亂并州遣偽將其奈良東略地攻逼慈州刺史上召政請
授於曹曹畏諒無辭不敢拒良又引兵攻曹曹欲一計却
之遣親人曹世軌說良曰天下事未可知曹爲人言去就
須得其所何遂相攻也良於是釋去進圖黎陽及合邑爲史
祥所攻棄軍歸曹朝廷以曹懷貳心鎖詣大理相州吏人
素懷其恩詣闕理旨者百餘人曹竟坐除名配防嶺南道
病卒有子尚獻並知名

宇文弼

宇文弼字公輔河南洛陽人也其先與周同祖查力觀
魏鉅鹿太守父珩周石州刺史弼慷慨有大節博學多通
仕周爲禮部上士嘗奉使鄧至國及黑水龍淵諸羌前後
降附三十餘部及還奉詔修定五禮書成奏之賜公田十
二頃粟百石累遷少吏部擢八人爲縣令皆有異績時以
爲知人轉內史都上上武帝將出兵河陽以伐齊謀及臣
下弼進策曰齊氏建國于今累葉雖曰無道藩屏之寄尚
有其人今之用兵須擇其地河陽衝要精兵所聚盡力攻
圍恐難得志如臣所見彼汾之曲成小山平攻之易拔用

武之地莫過於此願陛下詳之帝不納師竟無功建德五年大舉伐齊卒用張計致於是募三輔豪俠少年數百人以為別隊從帝攻拔晉州身被三瘡苦戰不息帝奇而壯之後從帝平齊以功拜上儀同封武威縣公邑千五百戶賜物千五百段奴婢百五十口馬牛羊千餘頭拜司州總管司錄宣帝嗣立遷左守廟大夫時突厥寇甘州帝令侯莫陳昶率兵擊之致為監軍致謂昶曰黠虜之勢來如激矢去若絕絃若欲追躡良為難及且宜選精騎直趨祈連之西賊若收軍必自蓼泉之北此地險隘兼復下濕度其人馬三日方度緩繼追討何慮不及也勞我洗破之必矣

若遠此路真上策也昶不能用之西取合黎六軍行進虜已出塞其年致又率兵從梁士彥攻拔壽陽每致封安樂縣公增邑六百戶賜物六百段加以口馬除滑州刺史俄轉南司州刺史後司馬消難之奔陳也致追之不及遇陳將樊毅戰於漳口自旦及午三戰二捷虜獲三千人除黃州刺史尋轉南定州刺史開皇初以前功封平昌縣公加邑一千二百戶入為尚書右丞時西羌內附詔致持節安集之置鹽澤蒲昌二郡而還遷尚書左丞當官止邑為百察所憚二年突厥寇甘州以行軍司馬從元帥竇榮定擊破之還除太僕少卿轉吏部侍郎平陳之役楊素出信州

道令張持節為諸軍節度仍領行軍總管劉仁恩之破
陳將呂仲肅也張有謀焉加開府擢拜刑部尚書領六
子虞候率上嘗親臨釋奠張與博士論議詞致清遠觀
者屬目上大悅顧謂侍臣曰朕今觀周公之制禮見宣尼
之論孝實慰朕心於是頒賜各有差時朝廷以晉陽為重
鎮并州總管必屬親王其長史司馬亦一時高選前長史
王韶卒以張有文武幹用出為并州長史俄以父艱去職
尋詔起之十八年遼東之役授元帥漢王府司馬仍尋領
行軍總管軍還之後歷朔代吳三州總管皆有名煬帝
即位徵拜刑部尚書仍持節巡省河北還除泉州刺史歲

餘復拜刑部尚書尋轉禮部尚書張既以才能著稱歷職
顯要聲望甚重物議時談多見推許帝頗忌之時帝漸好
聲色尤勤遠畧張謂高頴曰昔周天元好聲色而國亡以
今方之不亦甚乎又言長城之役幸非急務有人奏之竟
坐誅死時年六十二天下冤之所著辭賦二十餘萬言為
尚書孝經注行於時有子儉瑗

張衡

張衡字建平河內人也祖焜魏河內太守父光周萬州刺
史衡幼懷志尚有骨鯁之風年十五詣太學受業研精覃
思為同輩所推周武帝居太后憂與左右出獵衡露髮輿

觀扣馬切諫帝嘉焉賜衣一襲馬一匹擢拜漢王侍讀衡
又就沈重受三禮畧究大旨累遷掌朝大夫高祖受禪拜
司門侍郎及晉王廣為河北行臺衡歷刑部度支二曹郎
後以臺廢拜并州總管掾及王轉牧揚州衡復為掾王甚
親任之衡亦竭慮盡誠事之奪宗之計多衡所建也以母
憂去職歲餘起授揚州總管司馬賜物三百段開皇中熙
州李英林聚眾反署置百官以衡為行軍總管率步騎五
萬人討平之拜開府賜奴婢一百三十口物五百段金銀
雜畜稱是及王為皇太子拜衡右庶子仍領給事黃門侍
郎煬帝嗣位除給事黃門侍郎進位銀青光祿大夫俄遷

御史大夫甚見親重大業三年帝幸榆林郡還至太原謂
衡曰朕欲過公宅可為朕作主人衡於是馳至河內與宗
族具牛酒帝上太行開直道九十里以抵其宅帝悅其山
泉留宴三日因謂衡曰往從先王拜太山之始塗經洛陽
瞻望於此深恨不得相過不謂今日得諧宿願衡俯伏辭
謝奉觴上壽帝益歡賜其宅傍田二十頃良馬一匹金帶
繅綵六百段衣一襲御食器一具衡固讓帝曰天子所至
稱幸者蓋為此也不足為辭衡復獻食於帝帝令頒賜公
卿下至衛士無不霑洽衡以潘邱之舊恩寵莫與為比頗
自驕貴明年帝幸汾陽宮宴從官特賜絹五百匹帝欲大

汾陽宮令衡與紀弘整具圖奏之衡承間進諫曰比年勞
役繁多百姓疲敝伏願留神稍加折損帝意甚不平後嘗
自衡謂侍臣曰張衡自謂由其計畫令我有天下也時齊
王暕失愛於上帝密令人求暕罪坐有人譖暕違制將伊
闕令皇甫誦從之汾陽宮又錄前幸涿郡及祠恒岳時父
老謁見者衣冠多不整帝譴衡以憲司皆不能舉正出為
榆林太守明年帝復幸汾陽宮衡督役築樓煩城因而謁
帝帝惡衡不損瘦以為不念咎因謂衡曰公甚肥澤宜且
還郡衡復之榆林俄而勅衡督役江都宮有人詣衡訟宮
監者衡不為理還以訟書付監其人大大為監所困禮部尚

書揚玄感使至江都其人詣玄感稱冤玄感固以衡為不
可及與衡相見未有所言又先謂玄感曰薛道衡真為枉
死玄感具上其事江都丞王世充又奏衡頻減頓具帝於
是發怒鎖衡詣江都市將斬之久而乃釋除名為民放還
田里帝每令親人覘衡所為八年帝自遼東還都衡妄言
衡怨望謗訕朝政竟賜盡千家臨死大言曰我為人作何
物事而望久活監刑者塞耳促令殺之義寧中以死非其
罪贈大將軍南陽郡公謚曰忠有子希玄

楊汪

楊汪字元度本弘農華陰人也曾祖順徙居河東父琛儀

同三司及汪貴追贈平鄉縣公汪少凶疎好與人群鬪拳
所毆擊無不顛踣長更折節勤學專精左氏傳通三禮解
褐周與王侍讀王甚重之每曰楊侍讀德業優深孤之穆
生也其後問禮於沈重受漢書於劉臻二人推許之曰吾
弗如也由是知名累遷夏官府都上士及高祖居相引知
兵事遷掌朝下大夫高祖受禪賜爵平鄉縣伯邑二百戶
歷尚書司勳兵部二曹侍郎秦州總管長史名為明幹遷
尚書左丞坐事免後歷荊洛二州長史每聽政之暇必延
主徒講授時人稱之數年高祖謂諫議大夫王達曰卿為
我覓一好左丞達遂私於汪曰我當薦君為左丞若事果

當以良田相報也汪以達所言奏之達竟以獲罪卒拜汪
為尚書左丞汪明習法令果於剖斷當時號為稱職煬帝
即位守大理卿汪視事二日帝將親省囚徒其時繫囚二
百餘人汪通宵究審詰朝而奏曲盡事情一無遺誤帝甚
嘉之歲餘拜國子祭酒帝令百寮就學與汪講論天下通
儒碩學多萃焉論難終起皆不能屈帝令御之書其問答
奏之省而大悅賜良馬一匹大業中為銀青光祿大夫及
楊玄感反河南替治裴弘策出師禦之戰不利弘策出還
遇汪而屏人交語既而留守樊子蓋斬弘策以狀奏汪帝
疑之出為梁郡通守後李密已逼東都其徒頰寇梁郡汪

勅兵拒之頻挫其銳煬帝崩王世充推越王侗為主徵拜
吏部尚書頗見親委及世充僭號汪復用事世充平以亮
黨誅死

史臣曰盧愷諫說可稱令孤熙所居而治薛冑執憲平允
宇文弼聲望攸歸張衡以鯁正立名揚汪以學業自許然
皆有善始鮮克令終九仞之基俱傾於一匱惜哉夫忠為
令德施非其人尚或不可况託足邪徑而又不得其人者
歟語曰無為權首將受其咎又曰無始禍無召亂張衡既
召亂源實為權首動不以順其能不及於此乎

列傳卷第二十一

隋書五十六

列傳卷第二十二

隋書五十七

特進臣魏

徵

上

盧思道

從父兄昌衡

盧思道字子行范陽人也祖陽烏魏秘書監父道亮隱居
不仕思道聰爽俊辯通從不羈年十六過中山劉松松為
人作碑銘以示思道思道讀之多所不解於是感激閉戶
讀書師事河間邢子才後思道復為文以示劉松松又不
能甚解思道乃喟然歎曰學之有益豈徒然哉因就魏取
借異書數年之間才學兼著然不持操行好輕侮人齊天
保中魏史未出思道先已誦之由是大被笞辱前後屢犯

因而不調其後左僕射楊遵彥薦之於朝解褐司空行參
軍長兼負外散騎侍郎直中書省文宣帝崩當朝文士各
作挽歌十首擇其善者而用之魏收陽休之祖孝徵等不
過得三首唯思道獨得八首故時人稱爲八米盧郎後漏
洩省中語出爲丞相西閣祭酒歷太子舍人司徒錄事參
軍每居官多被譴辱後以擅用庫錢免歸於家嘗於劍北
悵然感慨爲五言詩以見意人以此爲一數年復爲京畿主
簿歷主客郎給事黃門侍郎待詔文林館周武帝平齊授
儀同三司追赴長安與同輩陽休之等數人作聽蟬鳴篇
思道所爲詞意清切爲時人所重新可便信徧覽諸同作
者而深歎美之未幾以母疾還鄉遇同郡祖英伯及從兄
昌期宋護等舉兵作亂思道預焉周遣柱國宇文神舉討
平之罪當法已在死中神舉素聞其名引出之令作露布
思道援筆立成文無加點神舉嘉而宥之後除掌教上士
高祖爲丞相遷武陽太守非其好也爲孤鴻賦以寄其情
曰余志學之歲自鄉里遊京師便見識知音歷受群公之
眷年登弱冠甫就朝列談者過誤遂竊虛名通人揚令君
刑特進已下皆分庭致禮倒屣相接翦拂吹噓長其光價
而才本駑拙性實踈懶勢利貨殖淡然不營雖籠絆朝市
且三十載而獨往之心未始去懷抱也攝生舛和有少氣

疾分符坐嘯作守東原洪河之涓沃野彌望踴務既屏魚
鳥為鄰有離群之鴻為羅者所獲野人馴養貢之於余置
諸池庭朝夕賞翫既用銷憂兼以輕疾大易稱鴻漸於陸
羽儀盛也揚子曰鴻飛冥冥騫翥高也淮南云東歸碣石
違溽暑也平子賦曰南寓衡陽避祁寒也若其雅步清音
遠心高韻鵝鸞以降罕見其儔而鍛翮牆陰偶影獨立喙
喋糝稗雞鶩為伍不亦傷乎余五十之年勿心焉已至永言
身事慨然多緒乃為之賦聊以自慰云其詞曰惟此孤鴻
擅竒羽蟲實稟清高之氣遠生遼碣之東離毛將落和鳴
順風壯冰云厚矯翅排空出島嶼之絲絕迹犯霜露之溟濛


驚鯉魚之密網畏落鴈之虛弓若其斗柄東指女夷司月
乃遙集於寒門遂輕舉於玄闕至如天高氣肅搖落在時
既嘯儔於淮浦亦弄吭於江湄塵赤霄以凌厲乘舟氣之
威夷溯商飈之嫋嫋翫陽京之遲遲彭蠡方春洞庭初綠
理翮整翰群浮侶浴振雪羽而臨風掩霜毛而候旭厭食江
湖之菁藻飲原野之菽粟行離離而高逝響噦噦而相續
絜齊國之冰紈皓密山之華玉若乃晨沐清露安趾徐步
夕息芳洲延頸乘流違寒競逐浮沅水宿避暑言歸絕漠
雲飛望玄鵠而為侶比朱鷺而相依倦天衢之冥漠降河
渚之芳菲忽值羅人設網虞者懸機永辭寥廓蹈迹重圍

始則窘束籠樊憂憚刀俎靡軀絕命恨失其所終乃馴狎
園庭栖託池籞稻梁為惠恣其容與於是翕羽宛頸屏氣
銷聲滅煙霞之高想悶江海之幽情何時驥首奮翼上凌
太清蹇翥鼓舞遠薄層城惡禽視而不貴小鳥顧而相輕
安控地而無耻豈冲天之復榮若夫圖南之羽偉而去羨
栖睫之蟲微而不賤各遂性於天壤弗企懷必交戰不聽
咸池之樂不饗太牢之薦匹晨雞而共飲偶野鳧以同膳
匪揚聲以顯聞寧校體而求見聊寓形乎沼沚且夷心於
澹澹齊榮辱以晏如承君子之餘眄開皇初以母老表請
解職優詔許之思道自恃才地多所陵轢由是官塗滯滯

既而一著勞生論拍切當時其詞曰莊子曰大塊勞我以
生誠哉斯言也余年五十羸老云至追惟疇昔勤矣破生
乃著茲論因言時云爾罷郡屏居有客造余者少選之頃
盱衡而言曰生者天地之大德人者有生之最靈所以作
配兩儀稱貴群品妍蚩愚智之辯天懸壤隔行已立身之
異入海登山今吾子生於右地九葉鄉族天授俊才萬夫
所仰學綜流畧慕孔門之游夏辭窮麗則擬漢日之卿雲
行藏有節進退以禮不諂不驕無愠無懌偃仰貴賤之間
從容語默之際何其裕也下走所欣羨焉余莞爾而笑曰
未之思乎何所言之過也子其清耳請為左右陳之夫人

之生也皆未若無生在余之生勞亦勤止統綺之年伏膺教
義規行矩步從善而登巾冠之後濯纓受署繯鑠仁義籠
絆朝市失翹陸之本性喪江湖之遠情淪此風波溺於倒
躓憂勞總至事非一緒何則地冒高華既致嫌於管庫才
識美茂亦受嫉於愚庸篤學強記龍蠶於焉側目清言河
瀉木訥所以疚心豈徒蠱蠱春漿鷓鴣悒腐鼠相江都而永
歎傳長沙而不歸固亦魯臧倉楚逢靳尚趙壹為之哀
歌張升於是慟哭有齊之季不遇休明申胆就鞅屏迹無
地段珪張讓金貝是視賈謚卽淮腥臊可厭食滯刑以逞禍
近池魚耳聽惡來之讒足踐龍逢之血周氏末葉仍值僻

王歛笏升階汗流浹背莒客之踵躋焦原匹茲非險齊人
之手執馬尾方此未危若乃羊腸句注之道據鞍振英武
落雞田之外擲風沐雨三旬九食不敢稱弊此之為役蓋
其小小者耳今泰運肇開四門以穆冕旒司契於上夔龍
佐命於下歧伯善卷耻徇幽憂下隨務光悔從木石余年
在秋方已迫知命情禮宜退不獲晏安一葉從風無損鄧
林之攢植雙鳥退飛不虧渤澥之游泳耕田鑿井晚息晨
興候南山之朝雲擊北堂之明月汜勝九穀之書觀其節
制崔寔四人之令奉以周旋晨荷篋笠白屋黃冠之伍文
談穀稼霑體塗足之倫濁酒盈罇高歌滿席恍兮惚兮天



地一指此野人之樂也子或以是羨余乎客曰吾子之事
既聞之矣佗人有心又請論其梗槩余荅曰雲飛泥沉卑
高異等圓行方止動息殊致是以摩霄運海輕罽羅於數
澤五衢四照忽斤斧於山林余晚值昌辰遂其弱尚觀人
事之隕獲覩時路之遘危亥脩夜靜言長想可以累歎
悼心流涕酸鼻人之百年脆促已甚奔駒流電不可為辭
顧慕周章數紀之內窮通榮辱事無足道而有識者鮮無
識者多褊隘凡近輕險躁薄居家則人回獸心不孝不義
出門則諂諛佞無愧無耻退身知足忘伯陽之西陳
力就列奔周任之格言悠悠遠古斯患已積迄於近世此

蠹尤深范鄉搗讓之風搢紳不嗣夏書昏墊之罪執事所
安朝露未晞小車盈董石之巷夕陽且落阜蓋填閭宮之
里皆如脂如韋俯樓匍匐啾惡求媚舐痔自親羨言謔笑
助其愉樂詐泣佞哀恤其喪紀近通旨酒遠貢文蛇豕姬
美女委如脫屣金銑玉華弃同遺跡及鄧通失路一簪之
賄無餘梁冀就誅五侯之貴將起向之求官買職晚謁晨
趨刺促望塵之舊遊伊優上堂之夜客始則亡魂禡魄若
牛兄之遇獸心戰色沮似葉公之見龍俄而抵掌揚眉高
視闊步結侶弃廉公之第携手哭聖鄉之門華轂生塵來
如激矢雀羅暫設去等絕絃飴蜜非甘山川未阻千變萬

化鬼出神入爲此者皆衣冠士族或有藝能不耻不仁不
畏不義靡愧友朋莫慙妻子外呈厚貌內蘊百心繇是則
紆青佩紫牧州典郡冠幘劫人厚自封殖妍歌妙舞列鼎
撞鍾耳倦絲桐口飲珍白雖素論以爲非而時宰之不書
末俗蚩蚩如此之敝余則違時薄宦屏息窮居甚耻驅馳
深畏乾沒心若死灰不營勢利家無儋石不費囊錢偶影
聯官將數十載駑拙致笑輕生所以告勞也真人御宇斷
雕爲朴人知榮辱時反邕熙風力上宰內敷文教方邵重
臣外揚武節被之大道洽以淳風舉必以才爵無濫授稟
斯首鼠不預衣簪阿世黑比周掃地俱盡輕薄之儔滅影竄
迹礫石變成瑜瑾良莠化爲芝蘭曩之翁俗攬時駁耳薇
目今悉不聞不見莫余敢侮易曰品夫人作而萬物覩斯之
謂乎歲餘被徵奉詔郊勞陳使頃之遭母憂未幾起爲散
騎侍郎奏內史侍郎事于時議置六卿將除大理思道上
奏曰省有駕部寺留大僕省有刑部寺除大理斯則重畜
產而賤刑名誠爲未可又陳殿庭非杖罰之所朝臣犯咎
罪請以贖論上悉嘉納之是歲卒于京師時年五十二上
甚惜之遣使吊祭焉有集三十卷行於時子亦松大業中
官至河東長史

昌衡字子均父道虔魏尚書僕射昌衡小字龍子風神澹

雅容止可法博涉經史工草行書從弟思道小字釋奴宗
中俱稱英妙故幽州為之語曰盧家千里釋奴龍子年十
七魏濟陰王元暉業召補大尉參軍事兼外兵參軍齊氏
受禪歷立恩令太子舍人尋為僕射祖孝徵所薦為遷尚書
金部郎孝徵每曰吾用盧子均為尚書郎自謂無愧幽州
矣其後兼散騎侍郎迎必勿周使武帝平齊授司王中士與
太宗伯斛斯徵修禮令開皇初拜尚書祠部侍郎高祖嘗
大集羣下令自陳功績人皆競進昌衡獨無所言左僕射
高頴目而異之陳使賀徹周漬相繼來聘朝廷每令昌衡
接對之未幾出為徐州總管長史甚有能名吏部尚書蘇
威考之曰德為人表行為士則論者以為美談嘗行至浚
儀所乘馬為佗牛所觸因致死牛主陳謝求還價直昌衡
謂之曰六畜相觸自關常理此豈人情也君何謝拒而不
受性寬厚不校皆此類也轉壽州總管長史總管宇文述
甚敬之委以州務歲餘遷金州刺史仁壽中奉詔持節為
河南道巡省大使及還以奉使稱旨授儀同三司賜物三
百段昌衡自以年在懸車表乞骸骨優詔不許大業初徵
為太子左庶子行詣洛陽道卒時年七十二子寶素寶胤

李孝貞

李孝貞字元操趙郡栢人人也父希禮齊信州刺史世為

著姓孝貞少好學能屬文在齊釋褐司徒府參軍事簡靜
不妄通賓客與從兄儀曹郎中騷太子舍人李節博陵崔
子武范陽盧詢祖為斷金之契後以射策甲科拜給事中
于時黃門侍郎高乾和親要用事求婚於孝貞孝貞拒之
由是有隙陰譖之出為太尉府外兵參軍後歷中書舍人
博陵太守司州別駕復兼散騎常侍聘周使副還除給事
黃門侍郎周武帝平齊授儀同三司少典祀下大夫宣帝
即位轉吏部下大夫高祖為丞尉迴作亂相州孝貞從
韋孝寬擊之以功授上儀同三司開皇初拜馮翊太守為
犯廟諱於是稱字後數歲遷蒙刺史吏民安之自此不

復留意於文筆人問其故慨然歎曰五十之年倏焉而過
鬢髮垂髮筋力已衰官意又情一時盡矣悲夫然每暇日
輒引眉客絃歌對酒終日為歡徵拜內史侍郎與內史李
德林參典文翰然孝貞無軒劇之用頗稱不理上譴怒之
勅御史劾其事由是出為金州刺史卒官所著文集二十
卷行於世有子允玉孝貞弟孝威亦有雅望六業中官至
大理少卿

薛道衡

薛道衡字玄卿河東汾陰人也祖聰魏濟州刺史父孝通
常山太守道衡六歲而孤專精好學年十二講左氏傳見

子產相鄭之功作國僑贊頗有詞致見者竒之其後才名益著齊司州牧彭城王浹引為兵曹從事尚書左僕射弘農楊遵彥一代偉人見而嗟賞授奉朝請吏部尚書隴西辛術與語歎曰鄭公業不亡矣河東裴讞目之曰自鼎遷河朔吾謂關西孔子罕值其人今復遇薛君矣武成作相召為記室及即位累遷太尉府主簿歲餘兼散騎常侍接對周陳二使武平初詔與諸儒修定三禮除尚書左外兵郎陳使傅綽聘齊以道衡兼主客郎接對之綽贈詩五十韻道衡和之南北稱美魏收曰傅綽所謂以蚓投魚耳待詔文林館與范陽盧思道安平李德林齊名友善復以本官直中書省尋拜中書侍郎仍參太子侍讀後主之時漸見親用于時頗有附會之譏後與侍中斛律孝卿參預政事道衡具陳備周之策孝卿不能用及齊亡周武引為御史二命士後歸鄉里自州主簿入為司祿上士高祖作相從元帥梁睿擊王謙攝陵州刺史大定中授儀同攝邛州刺史高祖受禪坐事除名河間王弘北征突厥召典軍書還除內史舍人其年兼散騎常侍聘陳主使道衡因奏曰江東叢爾一隅僭擅遂久是由永嘉已後華夏分崩劉石符姚慕容赫連之輩妄竊名號尋亦滅亡魏氏自北徂南未遑遠畧周齊兩立務在兼并所以江表逋誅積有年祀陛

下聖德天挺光膺寶祚比隆三代平一九州豈容使區區
之陳久在天網之外臣今奉使請責以稱藩高祖曰朕且
含養置之度外勿以言辭相折識朕意焉江東雅好篇什
陳主尤愛雕蟲道衡每有所作南人無不吟誦焉及八年
伐陳授淮南道行臺尚書吏部郎兼掌文翰王師臨江高
頴夜坐幕下謂之曰今段之舉克定江東已不君試言之
道衡答曰凡論大事成敗先須以至理斷之禹貢所載九
州本是王者封域後漢之季群雄競起孫權兄弟遂有吳
楚之地晉武受命尋即吞併永嘉南遷重此分割自爾已
來戰爭不息否終斯恭天道之恒郭璞有云江東偏王三

百年還與中國合今數將滿矣以運動而言其必克一也
有德者昌無德者亡自古興滅皆由此道主上躬履恭儉
憂勞庶政叔寶峻宇雕牆酣酒流色上下離心人神同憤
其必克二也為國之體在於任寄彼之公卿備員而已拔
小人施文慶委以政事尚書令江總唯事詩酒本非經營
之才蕭摩訶任蠻奴是其大將一夫之用耳其必克三也
我有道而大彼無德而小量其甲士不過十萬西自巫峽
東至滄海分之則勢懸而力弱聚之則守此而失彼其必
克四也席卷之勢其在不疑頴忻然曰君言成敗事理分
明吾今豁然矣本以才學相期不意筆墨乃爾還除吏部

侍郎後坐抽擢人物有言其黨蘇威任人有意故者除名
配防嶺表晉王廣時在揚州陰令人諷道衡從揚州路將
奏留之道衡不樂王府用漢王諒之計遂出江陵道而去
尋有詔徵還直內史自晉王由是銜之然愛其才猶頗見
禮後數歲授內史侍郎加上儀同三司道衡每至構文必
隱坐空齋踴壁而卧聞戶外有人便怒其沉思如此高祖
每曰薛道衡作文書稱我意然誠之以迂誕後高祖善其
稱職謂楊素牛弘曰道衡老矣驅使勤勞宜使其采明陳
戟於是進位上開府賜物百段道衡辭以無功高祖曰爾
久勞階陞國家大事皆爾宣行豈非爾功也道衡久當樞

要才名益顯太子諸王爭相與交高祖頗疑素雖相推重聲
名籍甚無競一時仁壽中楊素專掌朝政道衡既與素善
上不欲道衡久知機密因出檢校襄州刺史道衡又嘗驅
策一日違離不勝悲戀言之哽咽高祖愍然改容曰爾光
陰晚暮侍奉誠勞朕欲令爾將班明兼撫萌俗今爾之去朕
如斷一臂於是賚物三百段九環金帶并特服龍衣馬十
匹慰勉遣之在任清簡吏民懷甘共惠煬帝嗣位轉潘州
刺史歲餘上表求致仕帝謂內史侍郎虞世基曰道衡將
至當以祕書監待之道衡既至上高祖又召帝頌其詞曰
太始太素荒茫造化之初天白皇地白至香白書契之外其道

絕其迹遠言談所不誦耳目所不追也至於入元登皇鷄居
鶯飲不殊於羽族取類於毛羣亦何貴於靈何用於心
識義軒已降爰暨唐虞則乾象而施法度觀人文而化天
下然後帝王之位可重聖哲之道爲尊夏后桀周之國禹
湯文武之主功濟生民聲流雅頌然陵替於三五德於
干戈秦居閏位任刑名爲政本漢執靈圖如聖道而爲業
當塗興而三方峙典午末而四海亂九州封域宥允鯨鯢
之群五都遺黎蹴踏戎馬之足雖玄行以定高之志運據嶠
岫未正滄海之流詎息崑山之燎叶千齡之三暴當言靈業
之一朝者其在大隋乎粵若高祖文皇帝誕靈則赤

光照室韜神晦迹則紫氣騰天龍顏日角之奇玉理珠衡
之異著在圖錄彰乎儀表而帝系靈長神基崇峻類邠岐
之累德異豐沛之勃起俯膺歷試納揆賓門位長六鄉望
高百辟猶重華之爲太尉若文命之任司空蒼歷將盡率
土糜沸玉弩驚天金鉉照曜女媧挺禍據河朔而連海岱
猾長縱惡杜白馬而塞成阜庸蜀逆命憑銅梁之險鄭黃
背誕引金陵之寇三川已震九鼎將飛高祖龍躍鳳翔濡
足授手應赤伏之符受玄狐之籙命百下百勝之將動九
天九地之師平共工而殄蚩尤前禦竄而戮鑿齒不煩二
十八將無假五十二征曾未踰時妖逆咸殄廓氛霧於區

宇出黎元於塗炭天柱傾而還正地維絕而更紐殊方稽
顛識牛馬之內向樂師伏地懼鐘石之變聲萬姓所以樂
推三靈於是改卜壇場已備猶弘五讓之心億兆難違方
從四海之請光臨寶祚展禮郊丘舞六代而降天神陳四
圭而饗上帝乾坤交泰品物咸亨酌前王之令典改易徽
號因庶萌之子來移創都邑天文上當朱鳥地理下據黑
龍正位辨方揆景於日月內宮外座取法於辰象懸政教
於魏闕朝群后於明堂除舊布新移風易俗天街之表地
脉之外獫狫孔熾其來自久橫行十萬樊噲於是失辭提
步五千李陵所以陷沒周齊兩盛競結旄頭娉狄后於漠
北未足息其侵擾傾珍藏於山東不能止其貪暴炎靈啓
祚聖皇馭寓運天策於惟宸播神威於沙朔柳室氈裘之
長皆為臣隸瀚海蹠林之地盡元沙苑三吳百越九江五
湖地分南北天隔內外談黃旗紫蓋之氣恃龍蟠獸據之
嶮恒有僭偽之君妄竊帝王之號時經五代年移三百爰
降皇情永懷大道改彼黎獻獨為匪人今上利建在唐則
哲居代地馮宸極天縱神武受服出車一舉平定於是八
荒無外九服大同四海為家萬里為宅乃休牛散馬偃武
修文自華夏亂離絲積年代人造戰爭之具家習澆偽之
風聖人之遺訓莫存先王之舊典咸墜爰命秩宗刊定五

禮中勅太子改正六樂玉帛鐘俎之儀節文乃備金石匏
革之奏雅俗始分而留心政術垂神聽覽早朝晏罷廢寢
忘食憂百姓之未安懼一物之失所行先王之道夜思待
旦革百王之弊升朝不及夕見一善事喜彰於容日聞愆
犯歎深於在予薄賦輕徭務農重穀倉廩有紅腐之積黎
萌無阻飢之慮天性弘慈聖心惻隱恩加禽獸胎卵於是
獲全仁霑草木牛羊所以勿踐至於憲章重典刑名大辟
申法而屈情決斷於俄頃故能彝倫攸叙上下齊肅左右
絕諂諛之路縉紳無勢力之門小心翼翼敬事於天地終
日乾乾誠慎於元極陶黎萌於德化致風俗於太康公卿
庶尹遐邇岳牧僉以天平地成千載之嘉會登封降禪百
王之盛典宜其金泥玉檢展禮介丘飛聲騰實常為稱首
天子為而不恃成而不居冲旨凝貌固辭弗許而雖休勿
休上德不德更乃潔誠代岳遜謝愆咎方知六十四卦謙
為之道為尊七十二君告成之義為小巍巍蕩蕩無得以
稱焉而深誠至德感達於穹壤和氣薰風充溢於宇宙二
儀隆福百靈薦祉日月星象風雲草樹之祥山川玉石鱗介
羽毛之瑞歲見月彰不可勝紀至於振古所未有圖籍所
不載自所不見耳所未聞古語稱聖人作萬物覩神靈滋
百寶用此其効矣既而遊心姑射脫屣之志已深鑄鼎荆

山升天之駕遂遠凡在黎獻共惟帝臣慕深考妣哀纏弓
劍塗山幽峻無復玉帛之禮長陵寂寞空見衣冠之遊若
乃降精燁怒飛名帝錄開運握圖創業垂統聖德也撥亂
反正濟國寧人六合八紘同文共軌神功也玄酒陶匏雲
和孤竹禋祀上帝尊極配天六孝也偃伯戢戈正禮裁樂
納民壽域驅俗福林至政也張四維而臨萬寓侔三皇而
並五帝豈直錙銖周漢之麼魏晉而已雖五行之舞每陳
於清廟九德之歌無絕於樂府而玄功暢洽不局於形器
懿業遠大豈盡於揄揚巨輕生多幸命偶興運趨事紫宸
驅馳丹陛一辭天闕奄隄鼎湖空有攀龍之心徒懷慕議

之意庶憑毫翰敢希贊述昔堙海之禽不增於大地泣河
之士非益於洪流盡其心之所存忘其力之所及輒緣斯
義不覺斐然乃作頌曰悠哉遠古邈矣季世四海九州萬
王千帝二代之後其道逾替爰逮金行不勝其弊戎狄猾
夏群凶縱慝竊號淫名十有餘國怙威逞暴悖禮亂德五
嶽塵飛三象霧塞玄精啓曆發迹幽方并吞寇僞獨擅雄
強載祀二白比祚前王江湖尚阻區域未康句吳閩越河
朔渭涘九縣瓜分三方鼎峙狙詐不息干戈競起東夏雖
平亂離瘼矣五運叶期千年肇旦赫矣高祖人靈攸贊聖
德迴生神謀獨斷瘴惡彰善夷凶靜難宗伯撰儀太史練

日孤竹之管雲和之瑟展禮止玄飛煙太一珪璧朝會山
川望秩占揆星景移建邦畿下憑赤壤上叶紫微布政衢
室懸法象魏帝宅天府固本崇威凶河瀚海龍荒狼望種
落陸梁時犯亭障皇威遠懾帝德遐暢稽顙歸誠稱臣內
向吳越提封斗牛星象積有年代自稱君長大風未繳長
鯨漏網授鉞天人豁然清蕩戴日戴斗太平太蒙禮教周
被書軌大同復禹之跡成舜之功禮以安上樂以移風憂
勞庶績矜育黔首三面解羅萬方引咎納民軌物臨時仁
壽神化隆平生靈應阜虔心恭已奉天事地協氣橫流休
徵紹至壇場望幸不辱虛位推而不居聖道彌粹齊跡姬

文登發嗣聖道類漢光傳莊寶命知來藏往玄覽幽鏡鼎
業靈長洪基隆盛崕峒閤道汾射窅然御辯遐逝乘雲上
仙哀纏率土痛感穹玄流澤萬葉用教百年尚想敷圖永
惟聖則道洽幽顯仁霑動植交象不陳乾坤將息微臣作
頌用申罔極帝覽之不悅顧謂蘇威曰道衡致羨先朝此
魚藻之義也於是拜司隸大夫將置之罪道衡不悟司隸
刺史房彥謙素相善知必及禍勸之杜絕賓客卑辭下氣
而道衡不能用會議新令久不能決道衡謂朝士曰向使
高頴不死令決當久行有人奏之帝怒曰汝憶高頴邪付
執法者勘之道衡自以非大過促憲司早斷暨於奏日異

帝赦之勅家人具饌以備賓客來候者及奏帝令自盡道
衡殊不意未能引訣憲司重奏縊而殺之妻子徙且末時
年七十天下冤之有集七十卷行於世有子五人收最知
名出繼族父孺孺清貞孤介不交流俗涉歷經史有才思
雖不為大文所有詩詠詞致清遠開皇中為侍御史揚州
總管司功叅軍每以方直自處府寮多不便之及滿轉清
陽令襄城郡掾卒官所經並有惠政與道衡偏相友愛收
初生即與孺為後養於孺宅至於成長殆不識本生太常
丞胡仲操曾在朝堂就孺借刀子割爪甲孺以仲操非雅
士竟不與之其不肯妄交清介獨行皆此類也道衡兄子

邁官至選部郎從父弟道實官至禮部侍郎離石太守並
知名於世從子德音有雋才起家為游騎尉佐魏澹修魏
史史成遷著作佐郎及越王侗稱制東都王世充之僭號
也軍書羽檄皆出其手世充平以罪伏誅所有文筆多行
於時

史臣曰二三子有齊之季皆以辭藻著聞爰歷周隋咸見
推重李稱一代俊偉薛則時之令望握靈蛇以俱照騁逸
足以並驅文雅縱橫金聲玉振靜言揚摧盧居二子之右
李薛紆青拖紫思道官涂寥落雖窮通有命抑亦不護細
行之所致也

列傳卷第二十二

隋書五十七

列傳卷第二十三

隋書五十八

特進臣魏

徵

上

明克讓

明克讓字弘道平原鬲人也父山賓梁侍中克讓少好儒雅善談論博涉書史所覽將萬卷三禮禮論尤所研精龜筮歷象咸得其妙年十四釋褐湘東王法曹參軍時舍人朱异在儀賢堂講老子克讓預焉堂邊有脩竹异令克讓詠之克讓覽筆輒成其卒章曰非君多愛賞誰貴此貞心异甚奇之任歷司徒祭酒尚書都官郎中散騎侍郎兼國子博士中書侍郎梁滅歸于長安周明帝引為麟趾殿學

士俄授著作上士轉外史下大夫出爲衛王友歷漢東南
陳二郡守武帝即位復徵爲露門學士令與太史官屬正
定新曆拜儀同三司累遷司調大夫賜爵歷城縣伯邑五
百戶高祖受禪拜太子內舍人轉率更令進爵爲侯太子
以師道處之恩禮甚厚每有四方珍味輒以賜之于時東
宮盛徵天下才學之士至於博物洽聞皆出其下詔與太
常牛弘等修禮議樂當朝典故多所裁正開皇十四年以
疾去官加通直散騎常侍卒年七十上甚傷惜焉賜物五
百段米三百石太子又贈絹布二千匹錢十萬朝服一具
給棺槨著孝經義疏一部今帝代記一卷文類四卷續

名僧記一卷集二十卷子餘慶官至司門郎越王侗稱制
爲國子祭酒

魏澹

魏澹字彥深鉅鹿下曲陽人也祖鸞魏光州刺史父季景
齊大司農卿稱爲著姓世以文學自業澹年十五而孤專
精好學博涉經史善屬文詞采贍逸齊博陵王濟聞其名
引爲記室及琅邪王儼爲京畿大都督以澹爲鎧曹參軍
轉殿中侍御史尋與尚書左僕射魏收吏部尚書陽休之
國子博士熊安生同修五禮又與諸學士撰御覽書成除
殿中郎中中書舍人復與李德林俱修國史周武帝平齊

授納言中士及高祖受禪出為行臺禮部侍郎尋為散騎
常侍聘陳主使還除太子舍人廢太子勇深禮遇之屢加
優錫今注庾信集復撰笑苑詞林集世稱其博物數年遷
著作郎仍為太子學士高祖以魏收所撰書褒貶失實平
繪為中興書事不倫序詔澹別成魏史澹自道武下及恭
帝為十二紀七十八傳別為史論及例一卷并目錄合九
十二卷澹之義例與魏收多所不同其一曰臣聞天子者
繼天立極終始絕名故穀梁傳曰太上不名曲禮曰天子
不言出諸侯不生名諸侯尚不生名況天子乎若為太子
須書名良由子者對父生稱父前子名禮之意也是以

桓公六年九月丁卯子同生傳曰舉以太子之禮杜預注
云桓公子莊公也十二公唯子同是嫡夫人之長子備用
太子之禮故史書之於策即位之日尊成君而不名春秋
之義聖人之微旨也至如馬遷周之太子並皆言名漢之
儲兩俱沒其諱以尊漢卑周臣子之意也竊謂雖立此理
恐非其義何者春秋禮記太子必書名天王不言出此仲
尼之褒貶皇王之稱謂非當時與異代遂為優劣也班固
范曄陳壽王隱沈約參差不同尊卑失序至於魏收諱諸
君之名書天子之字過又甚焉今所撰史諱皇帝名書太
子字欲以尊君卑臣依春秋之義也其二曰五帝之聖三

代之英積德累功乃文乃武賢聖相承莫過周室名器不
及后稷追謚止於三王此即前代之茂實後人之龜鏡也
魏氏平文以前部落之君長耳太祖遠追二十八帝並極
崇高違堯舜憲章越周公典禮但道武出自結繩未師典
誥當須南董直筆越而正之反更飾非言是觀過所謂決
渤澥之水復去隄防襄陵之災未可免也但力微天女所
誕靈異絕世尊為始祖得禮之宜平文昭成雄據塞表英
風漸盛圖南之業基自此始長孫斤之亂也兵交御坐太
子授命昭成獲免道武此時后緡方娠宗廟復存社稷有
主大功大孝寔在獻明此之三世稱謚可也曰茲以外未

之敢聞其三曰臣以為南面不桀亡牧野紂滅斬以黃鉞懸
首白旗幽王死於驪山厲王出奔於瑯未嘗隱諱直筆書
之欲以勸善懲惡貽誡將來者也而太武獻文並皆非命
前史立紀不異天年言論之間頗露首尾殺主害君莫知
名姓逆臣賊子何所懼哉君子之過如日月之食圍首方
足孰不瞻仰況復兵交御坐矢及王屋而可隱沒者乎今
所撰史分明直書不敢迴避且隱桓之死閔昭殺逐立明
據實叙於經下沉復懸隔異代而致依違哉其四曰周道
陵遲不勝其敝楚子親問九鼎吳人來徵百牢無君之心
實彰行路夫子刊經皆書曰卒自晉德不競宇宙分崩或

帝惑之各自署置當其生曰聘使往來夏如敵國及其終也
書之曰死便同庶人存沒頓殊能無懷愧今所撰史諸國
凡處華夏之地者皆書曰卒同之吳楚其五曰壺遂發問
馬遷答之義已盡矣後之述者仍未領悟董仲舒司馬遷
之意本云尚書者隆平之典春秋者撥亂之法與衰理異
制作亦殊治定則直敘欽明世亂則辭兼顯晦分路命家
不相依放故云周道廢春秋作焉衰舜盛尚書載之是也
漢興以來改正朔易服色臣力誦聖德仍不能盡余所謂
述故事而君比之春秋謬哉然則紀傳之體出自尚書不
學春秋明矣而范曄云春秋者文也總畧好失事形今之

擬作所以為短紀傳者史班之所變也網羅一代事義周
悉適之後學此焉為優故繼而述之觀曄此言豈直非聖
人之無法又失馬遷之意旨孫盛自謂鑷仰具體而放之
魏收云魯史既修達者貽則子長自拘紀傳不存師表蓋
泉源所由地非企及雖後遜辭畏聖亦未思紀傳所由來
也澹文以為司馬遷創立紀傳以來述者非一人無善惡
皆為立論計在身行迹具在正書事既無奇不足懲勸再
述乍同銘頌重叙唯覺繁文案丘明亞聖之才發揚聖旨
言君子曰者無非其恭其間尋常直書而已今所撰史竊
有慕焉可為勸戒者論其得失其無損益者所不論也澹

所著魏書甚簡要大矯收繪之失上覽而善之未幾卒時年六十五有文集二十卷行於世子信言頗知名澹弟彥玄有文學歷揚州總管府記室涇州司馬有子滿行

陸爽

陸爽字開明魏郡臨漳人也祖順宗魏南青州刺史父槃之齊霍州刺史爽少聰敏年九歲就學日誦二千餘言齊尚書僕射楊遵彥見而異之曰陸氏代有人焉年十七齊司州牧清河王岳召為主簿擢殿中侍御史俄兼治書累轉中書侍郎及齊滅周武帝聞其名與陽休之袁叔德等十餘人俱徵入關諸人多將輜重爽獨載書數千卷至長

安授宣納上士高祖受禪轉太子內直監尋遷太子洗馬與左庶子宇文愷等撰東宮典記七十卷朝廷以其博學有口辯陳人至境常令迎勞開皇十一年卒官時年五十三贈上儀同宣州刺史賜帛百匹子法言敏學有家風釋褐承奉郎初爽之為洗馬嘗奏高祖云皇太子諸子未有嘉名請依春秋之義更立名字上從之及太子廢上追怒爽云我孫製名盍不自解陸爽乃爾多事扇惑於勇亦由此人其身雖故子孫並宜屏黜終身不齒法言竟坐除名爽同郡侯白字君素好學有捷才性滑稽尤辯俊舉秀才為儒林郎通佻不恃威儀好為誹諧雜說人多愛狎之所

在之處觀者如市楊素其狎之素嘗與牛弘退朝白謂素曰日之夕矣素大笑曰以我為牛羊下來邪高祖聞其名召與語甚悅之令於祕書修國史每將擢之高祖輒曰侯白不勝官而止後給五品食月餘而死時人傷其薄命著旌異記十五卷行於世

杜臺卿

杜臺卿字少山博陵曲陽人也父弼齊衛尉卿臺卿少好學博覽書記解屬文仕齊奉朝請歷司空西閣祭酒司徒少曹者作郎中書黃門侍郎性儒素每以雅道自居及周武帝平齊歸于鄉里以禮記春秋講授子弟開皇初被徵

入朝臺卿嘗采月令觸類而廣之為書名玉燭寶典十二卷至是奏之賜絹二百匹臺卿由龔不堪吏職請修國史上許之拜著作郎十四年上表註明致仕勅以本官還第數載終於家有集十五卷撰齊記二十卷並行於世無子有兄蕤學業不如臺卿而幹局過之仕至開州刺史子公贍少好學有家風卒於安陽令公贍子之松大業中為起居舍人

辛德源

辛德源字孝基隴西狄道人也祖穆魏平原太守父子獲尚書右丞德源沉靜好學年十四解屬文及長博覽書記

少有重名齊尚書僕射楊遵彥殿中尚書辛術皆一時名士見德源並虛襟禮敬因同薦之於文宣帝起家奉朝請後為兼負外散騎侍郎聘梁使副後歷馮翊華山二王記室中書侍郎劉逖上表薦德源曰弱齡好古晚節逾厲枕藉六經漁獵百氏文章綺豔體調清華恭慎表於閨門謙撝著於朋執實後進之辭人當今之雅器必能效節一官騁足千里由是除負外散騎侍郎以遷比部郎中復兼通直散騎常侍聘于陳及還待詔文林館除尚書考功郎中轉中書舍人及齊滅仕周為宣納上上因取急詣相州會尉迴作亂以為中郎德源辭不獲免以還去高祖受禪不得調者久之隱於林慮山鬱鬱不得志著幽居賦以自寄文多不載德源素與武陽太守盧叟道友善時相往來魏州刺史崔彥武奏德源潛為交結恐其有姦計由是謫令從軍討南寧歲餘而還秘書監牛弘以德源才學顯著奏與著作郎王邵同脩國史德源每於務隙撰集注春秋三傳三十卷注揚子法言二十二卷蜀王秀聞其名而引之居數歲奏以為掾後轉諮議參軍卒官有集二十卷又撰政訓內訓各二十卷有子素臣正臣並學涉有文義

柳詒

柳詒字顧言本河東人也永嘉之亂徙家襄陽祖暎梁侍

中父暉都官尚書詵少聰敏解屬文好讀書所覽將萬卷
仕梁釋褐著作佐郎後蕭詵據荊州以為侍中領國子祭
酒吏部尚書及梁國廢拜開府通直散騎常侍尋遷內史
侍郎以無吏幹去職轉晉王諮議叅軍王好文雅招引才
學之士諸葛穎盧世南王胄朱瑒等百餘人以充學士而
詵為之冠王以師友處之每有文什必令其潤色然後示
人嘗朝京師還作歸藩賦命詵為序詞甚典麗初王屬文
為庾信體及見詵已後文體遂變仁壽初引詵為東宮學
士加通直散騎常侍檢校洗馬甚見親待每召入卧內與
之宴謹詵尤俊辯多在侍從有所顧問應答如響言性又嗜

酒言雜誚諧由是彌為太子之所親狎以其好內典令撰
法華玄宗為二十卷奏之太子覽而大悅賞賜優洽儕輩
莫與為比煬帝嗣位拜秘書監封漢南縣公帝退朝之後
便命入閣言宴諷讀終日而罷帝每與嬪后對酒時逢興
會輒遣命之至與同榻共席恩若友朋帝猶恨不能夜召
於是命匠刻木偶人施機關能坐起拜伏以像於詵帝每
在月下對酒輒令宮人置之於座與相酬酢而為歡笑從
幸揚州遇疾卒年六十九帝傷惜者久之贈大將軍謚曰
康撰晉王北伐記十五卷有集十卷行於世

許善心

許善心字務本高陽北新城人也祖茂梁太子中庶子始
平天門二郡守散騎常侍父亨仕梁至給事黃門侍郎在
陳歷羽林監太中大夫衛尉卿領大著作善心九歲而孤
為母范氏所鞠養幼聰明有思理所聞輒能誦記多聞默
識為當世所稱家有舊書萬餘卷皆徧通涉十五解屬文
牋上父友徐陵陵大奇之謂人曰才調極高此神童也起
家除新安王法曹太子詹事江總舉秀才對策高第授度
支郎中轉侍郎補撰史學士禎明二年加通直散騎常侍聘
於隋遇高祖伐陳禮成而不獲反命累表請辭上不許留置館
及陳亡高祖遣使告之善心衰服號哭於西階之下藉草東

向經三日勅書唁焉明日有詔就館拜通直散騎常侍賜
衣一襲善心哭盡哀入房改服復出北面立垂涕再拜受
詔明日乃朝伏泣於殿下悲不復興上顧左右曰我平陳
國唯獲此人既能懷其舊君即是我誠臣也勅以本官直
門下省賜物千段草馬二十匹從幸太山還授虞部侍郎
十六年有神雀降於含章闈高祖召百官賜醢告以此瑞
善心於座請紙筆製神雀頌其詞曰臣聞觀象則天乾元
合其德觀法審地域大表其尊兩施雲行四時所以生殺
川流岳立萬物於是裁成出震乘離之君紀鷹司鳳之后
玉錘玉斗而降金版金滕以傳並陶冶性靈含煦動植眇

玄珠於赤水寂明鏡乎虛堂莫不景福氤氳嘉貺僊集馳
聲南董越響雲韶粵我皇帝之君臨闡大方抗太極負鳳
邸據龍圖不言行焉攝提建指不肅清焉喉鈴啓閉括地
復夏截海翦商就望躄其尊登減昌其會繇區浹宇毀至
爾安騰實飛聲直暢傍施無體之禮威儀布政之宮無聲
之樂綴兆摠章之觀上庠養老躬問百年下土字民心爲
百姓月棲日浴熱坂寒門吹鱗沒羽之荒赤蛇青馬之裔
鮮辯請吏削社承風豈止呼韓北場類勒狼居之岫熄慎南
境近表不耐之城故使天弗愛道地寧吝寶川岳展異幽
明効靈狎素游潁團膏漱醴于景青赤孳歷虧盈足足

懷仁般般擾義祥祐之來若此升隆之化如彼而登封盛
典去亭佇白檢之儀致治成功柴燎靡玄珪之告雖奉常
定禮武騎草文天子抑而未行推而不有允恭克讓其在
斯乎七十二君信蔑如也故神禽顯貴玄應特昭白爵王
鐵豸之奇赤爵銜丹書之貴班固神爵之頌復武戴文曹
植嘉爵之篇樓庭集牖未若于飛武帳來賀文櫪刷采青
蒲將翔赤芻玉几朝御取翫軒楯之間金門日開兼留靈
翟之監終古曠世未或前聞福召具徵得之茲日歲次上
章律諧大呂玄枵會節玄英統時至尊未明求衣晨興於
含章之殿爰有瑞爵翔翔而下載行載止當宸宇而徐前

來集來儀承軒墀而顧步夫瑞者符也明主之休徵雀者
爵也聖人之大寶謹案考異輿云軒轅有黃爵赤頭立日
傍占云土精之應又禮稽命徵云祭祀合其宜則黃爵集
昔漢集秦時之殿魏下文昌之宮一見雍丘之祠三入平
東之府並旁觀廻矚事陋人微奚足稱矣抑文聞之不剗
胎剖卵則鸞鳥鳳馴鳴不漉浸焚原則螭龍盤蜿是知陛下
止殺故飛走宅心皇茲好生而浮潛育德臣面奉綸綍垂
示休祥預承嘉宴不勝藻躍李虔僻處西土陸機少長東
隅微臣慙於往賢逢時盛乎皇襄代輒竭庸瑣敢獻頌云太
素式肇大德資生功玄不器道要無名質文鼎革公習因

成祥圖瑞史赫赫明明天保定於鑠我君武義我邁武文
教惟文橫塞宇宙旁凝射必軒物重造姚風再薰煥發王
策昭彰帝道御地七神飛天五老山祇吐祕河靈孕寶黑
羽升壇青鱗伏阜丹鳥流火白雉從風棲阿德劬鳴岐祚
隆未如神爵近賀王宮五靈何有百福攸同孔圖獻赤荀
文表白節節奇音行行瑞跡化玉黼宸銜環陸戟上天之
命明神所格經應在旃伊已預焉永緝章素方流管絃頌
歌不足踳儻無宣臣拜稽首億萬斯年頌成奏之高祖甚
悅曰我見神雀共皇后觀之今日召公等入適述此事善
心於座始知即能成頌文不加點筆不停毫常聞此言今

見其事因賜物二百段十七年除祕書丞于時祕藏圖籍尚
多淆亂善心放阮孝緒七錄更製七林各為摠叙冠於篇首
又於部錄之下明作者之意區分其類例焉又奏追李文博
陸從典等學者十許人正定經史錯謬仁壽元年攝黃門
侍郎二年加攝太常少卿與牛弘等議定禮樂祕書丞黃
門並如故四年留守京師高祖崩于仁壽宮煬帝祕喪不
發先易留守官入出除嚴州刺史逢漢王諒反不之官
大業元年轉禮部侍郎奏薦儒者徐文遠為國子
博士包愷陸德明褚徽魯世達之輩並加品秩授為學官
其年副納言楊達為冀州道大使以稱旨賜物五百段左衛

大將軍宇文述每日借本部兵數十人以供私役常半日
而罷攝御史大夫梁毗奏於上方以腹心委述初付法
推千餘人皆稱被役經二十餘日法官候伺上意乃言役
不滿日其數雖多不合通計縱令有實亦當無罪諸兵士
聞之更云初不被役上欲釋之付議虛實百寮咸議為虛
善心以為述於仗衛之所抽兵私役雖不滿日關於宿衛
與常役所部情狀乃殊又兵多下番散還本府分道追至
不諫同辭今殆一月方始翻覆姦狀分明此何可捨蘇威
楊汪等二十餘人同善心之議其餘皆議免罪煬帝可免
罪之奏後數月述譖善心曰陳叔寶卒善心與周羅暉虞世

基表充蒸微等同往送葬善心為祭文謂為陛下敢於今日加叔寶尊號召問有實自援古例事得釋而帝甚惡之又太史奏帝即位之年與堯時符合善心議以國哀甫爾不宜稱賀述諷御史劾之左遷給事郎降品二等四年撰方物志奏之七年從至涿郡帝方自御戎以東討善心上封事忤旨免官其年復徵為守給事郎九年攝左翊衛長史從度遼授建節尉帝嘗言及高祖受命之符因問鬼神之事勅善心與崔祖璿撰靈異記十卷初善心父撰者梁史未就而歿善心述成父志脩續家書其序傳末述制作之意曰謹案太素將萌洪荒初判乾儀資始辰象所以正時必載厚生告品物於焉播氣參三才而育德肖二統而降靈有人民焉樹之君仁又有貴賤矣為其宗極保上天之睠命膺下土之樂推莫不執大方振長策感召風雲驅馳英後干戈揖讓取之也殊功鼎玉龜符成之也一致軍命初制竹素之道稍彰紀事記言筆墨之官漸著炎農以往存其名而漏其迹黃軒以來晦其文而顯其用登立納釐具訓誥及典謨貫昂入房傳夏正與殷祀泊辯方正位論時訓功南北左右兼四名之別禱祝乘車擅一家之稱國志雖諱君舉必書故賊子亂臣天下大懼元龜明鏡昭然可察及三郊遞襲五勝相公俱稱百谷之王並以四海

自任重光累德何世無哉逮有梁之君臨天下江左建國
莫斯為盛受命在於一君繼統傳乎四主克昌四十八載
餘祚五十六年武皇帝出自諸生爰升寶曆拯百三之弊
整凶姓之危及境季之末流登上皇之獨道朝多君子野
無遺賢禮樂必備憲章咸舉弘深慈於不殺濟大忍於無
刑湯魏魏可為稱首屬陰戎入穎羯胡侵洛沸騰塗黷三
季所未聞掃地滔天一元之巨厄廊廟有序翦成狐兔之
場廷帛有儀碑大犬羊之手福善積而身禍仁義在而國
亘且天道歟豈人事歟嘗別論之在序論之卷先君昔在
前代早懷述作凡撰齊書為五十卷梁書紀傳

隋事勳成及闕而去就者曰錄注為一百八卷梁書交喪
墳籍銷盡家壁皆焚不准無所盜惟囊同毀重農何以求
秦儒既坑先王之道將隊亡臣徒請口授之文亦絕所撰
之書一時亡散有陳初建詔為史官補闕拾遺心識口誦
依舊目錄更加修撰且成百卷已有六帙五十八卷上祕
閣訖善心早嬰荼蓼曲荷新構大建之末頗抗表聞至德
之初蒙授史任方願由素採訪明庭記錄俯勵弱才仰成
先志而單宗少強近虛空類原顏退屏無所交遊棲遲不
求進益假班嗣之書定明其語給王隱之筆未見其人加
以唐書梁書無所學之職郎署兼撰陳史致此書延時

未即成。年。禎明二年。以吉寧郎入聘。值本邑。滄。覆。化。鄉。播。遷。行。公。時。新。加。不。復。望。都。亭。而。長。慟。遷。別。館。而。懸。靈。家。文。舊。書。在。後。焚。盡。今。止。有。六。十。八。卷。在。又。並。缺。落。失。次。自。八。京。已。矣。凡。見。補。晉。書。成。七。十。卷。四。帝。紀。八。卷。后。妃。一。卷。三。太。子。錄。五。卷。為。一。帙。十。卷。宗。室。王。侯。列。傳。一。帙。十。卷。具。列。傳。二。一。一。十。卷。外。戚。傳。一。卷。孝。德。傳。一。卷。誠。臣。傳。一。卷。文。武。傳。一。卷。儒。林。傳。二。卷。高。士。傳。一。卷。數。術。傳。一。卷。藩。臣。傳。一。卷。合。一。帙。十。卷。止。足。傳。一。卷。烈。女。傳。一。卷。權。幸。傳。一。卷。羯。賊。傳。一。卷。逆。臣。傳。二。卷。叛。臣。傳。二。卷。叙。傳。論。述。一。卷。合。一。帙。十。卷。凡。稱。史。臣。者。是。先。君。所。言。下。稱。名。案。者。是。善。

心補闕別為叙論一帙。託于叙傳之末。十年。又從至懷遠。鎮。加。授。朝。散。大。夫。大。一。敬。團。阻。斷。攝。左。親。衛。武。貴。部。將。領。近。南。兵。宿。衛。殿。首。加。壘。羊。江。都。郡。道。宗。前。勳。授。通。議。大。夫。詔。還。本。品。行。給。事。郎。十。四。年。化。及。殺。逆。之。日。隋。官。盡。記。朝。堂。請。賀。善。心。獨。不。至。許。弘。仁。馳。告。之。曰。天。子。已。崩。守。之。將。軍。攝。政。合。朝。文。武。莫。不。咸。隸。示。天。道。人。事。自。有。代。終。何。預。於。政。而。低。徊。若。此。善。心。怒。之。不。肯。隨。去。弘。仁。及。死。上。為。泣。而。言。曰。將。軍。於。叔。全。無。惡。意。忽。自。求。死。豈。不。痛。哉。遂。三。后。奉。表。以。狀。白。化。及。遣。人。就。宅。執。至。朝。堂。化。及。令。釋。之。善。心。不。復。出。而。出。化。及。目。送。之。曰。此。人。大。負。氣。命。延。將。來。焉。云。我。好。飲。

隋書五十八

十一

放你敢如此不遜其當黑報牽曳因遂害之時年六十一及
越王稱制贈左光祿大夫高陽縣公諡曰文節善心母范
氏梁太子中舍人孝才之女少寡養孤博學有高節高祖
知之勅尚食每獻時新常遣分賜嘗詔范入內侍皇后屏講
讀封永樂郡君及善心遇禍范年九十有二臨喪不哭撫
柩曰能死國難我有兒矣因卧不食後十餘日亦終

李文博

博陵李文博性貞介鯁直好學不倦至於教義各理特所
留心每讀書皇治亂得失忠臣烈士未嘗不及覆瓿既開
皇中爲羽騎尉特爲吏部侍郎薛道衡所知恒令在聽事

帷中披檢書史并察已行事若遇治政善事即抄撰記錄
如選用踈謬即采之臧否道衡每得其語莫不欣然從之
後直秘書內省典校墳籍守道居貧晏如也雖衣食之絕而
清操逾厲不妄通賓客恒以禮法自處儕輩莫不敬憚
焉道衡知其貧每延于家給以資費文博商賈古今治
政得失如指諸掌然無吏幹稍遷校書郎後出爲縣丞遂
得下考數歲不調道衡爲司隸大夫遇之於東都尚書省
甚嗟愍之遂奏爲從事因爲齊王司馬李綱曰今日遂遇
文博得奏用之以爲歡笑其見賞知音如此在洛下曾詎
房玄齡相送於衢路玄齡謂之曰公生平志尚唯在正直

今既得為從事故應有會素心比來激濁揚清所為多少
之博遂奮辭厲聲曰夫清其流者必潔其源正其末者須
端其本今治源混亂雖日免十貪郡守亦何所益其瞽直
疾惡不知忌諱皆此類也于時朝政浸壞人多賦賄唯文
博不改其操論者以此貴之遭離亂播遷不知所終初文
博任內校書虞世基子亦在其內盛飾容服而未有所却
文博因從容問之年紀荅云十八文博乃謂之曰昔賈誼
當此之年議論何事君今徒事儀容故何為者又秦孝王
妃生男高祖大喜頒賜羣官各有差文博家道屢空天謂
其况乃云賞罰之設功過所歸今王妃生男於群官何事

乃妄受賞也其循名責實錄過計功必使賞罰不濫功過
無隱者皆爾文博本為經學後讀史書於諸子及論尤所
該洽性長議論亦善屬文著治道集十卷大行於世
史臣曰明克讓魏澹等或博學洽聞詞藻贍逸既稱趙之
俊寔曰東南之美所在見寶威取祿位雖無往非命蓋亦
道有存焉澹之魏書時稱簡正條例詳密足傳於後此外
諸子各有記述雖道或大小皆志在立言美矣

列傳卷第二十三

隋書五十八

列傳卷第二十四

隋書五十九

特進臣魏

上

煬三子

孫恭皇帝
越王侗

燕王士儉

煬帝三男蕭皇后生元德太子昭齊王暕蕭嬪生趙王杲
 ○元德太子昭煬帝長子也生而高祖命養宮中三歲時
 於玄武門弄石師子高祖與文獻皇后共所高祖適患腰痛
 舉手憑后昭因避去如此者再三高祖歎曰天生長者誰
 復教乎由是大奇之高祖嘗謂曰當為爾娶婦昭應聲而
 泣高祖問其故對曰漢王未婚時恒在至尊所一朝娶婦
 便則出外懼將違離是以啼耳上歎其有至性特鍾愛焉

年十二立為河南王仁壽初徙為晉王拜內史令兼左衛
 大將軍後二年轉雍州牧煬帝即位便幸維陽宮昭留守
 京師大業元年帝遣使者立為皇太子昭有武力能引強
 弩性謙冲言色恂恂未嘗忿怒有深嫌可責者但云大不
 是所膳不許多品帷席極於儉素臣吏有老父母者必親
 問其安否歲時皆有惠賜其仁愛如此明年朝於維陽後
 數月將還京師願得少留帝不許拜請無數躰素肥因致
 勞疾帝令巫者視之云房陵王為祟未幾而薨詔內史侍
 郎虞世基為哀冊文曰維大業二年七月癸丑朔二十三
 日皇太子薨于行宮粵三年五月庚辰朔六日將遷座于

莊陵禮也

關曉闢肅文物以具陳儼賓從其

如昔皇帝悼離方之

晦嗟震宮之虧象顧守器以長懷

臨登餞而興想先遠

日占謀允從庭彝徹祖階祀收重

抗銘旌以啓路動徐輪於振容揆行度名累德彰謚爰詔

史冊式遵典志俾濬哲之徽猷播長久乎天地其辭曰哀

基峻極帝緒會昌體元龍聖儀耀重光氣秀春陸神華少

陽居周軼誦馭漢韜莊有縱生知誕膺惟睿性道觸日幾

深綺歲降迹大成俯情多藝樹親建國命懿作藩威蕤先

路鳥弈渠門庸服有紀分器惟尊風高楚殿雅盛梁園睿

后膺儲天人叶順本茂條遠基崇體峻改王參墟奄有唐

晉在貴能謙居冲益慎封畿千里閭闔九重神州王化禁
旅軍容瞻言偃卓高視折衝帷宸清祕親賢允屬景鳳
瀾飛華螭玉揮翰泉涌敷言藻縟式是使煩思謀啓沃洪
惟積德豐衍繁祉粵自天孫光升元子綠車逮事翠纓奉
祀肅穆滿容儀形讓齒禮樂交暢愛敬兼資優游養德恭
已承儀南山聘隱東序尊師有粹神儀深穆其度顯顯觀
德温温審諭炯戒齊箴留連主賦入監出撫日就月將冲
情至裕令問金相宜紛景福永作元良神理冥漠天道難
究仁不必壽善或愆祐遽瑤山之頽壞忽桂宮之毀構痛
結幽明悲纏宇宙慟皇情之深憫摧具僚其如嗷嗷呼哀

哉迴環氣朔荏苒居諸沾零露於瑤圃下申霜於玉除夜
漏盡兮空階曙曉月懸兮帷殿虛嗚呼哀哉將寧甫窈窕長
韋望苑渡渭浹於造舟尊長平之脩坂望鶴駕而不追顧龍
樓而日遠嗚呼哀哉永隔存沒長分古今去榮華於人世
即潛隧之幽深霏夕煙而稍起慘落景而將沈聽哀挽之
悽楚雜灌木之悲吟紛徒御而流袂欷歔纓弁以霑衿嗚呼
哀哉九地黃泉千年白日雖金石之能久終六壤乎長畢
敢圖芳於篆素永飛聲而騰實帝深追悼有子三人韋妃
生恭皇帝大劉良娣生燕王倓小劉良娣生越王侗
燕王倓字仁安敏慧美姿儀煬帝於諸孫中特所鍾愛帝

置左右性好讀書尤重儒素非造次所及有若成人良娣
早終每至忌日未嘗不流涕嗚咽帝由是益以竒之宇文
化及弒逆之際倏覺變欲入奏恐露其事因與梁公蕭鉅
千牛宇文勗等穿芳林門側水竇而入至玄武門詭奏曰
臣卒中惡命縣俄頃請得面辭死無所恨冀以見帝為司
官者所遇竟不得聞俄而難作為賊所害時年十六

越王侗字仁謹美姿儀性寬厚大業二年立為越王帝每
巡幸侗常留守東都楊玄感作亂之際與民部尚書樊子
蓋拒之及玄感平朝於高陽拜高陽太守俄以本官復留
守東都十三年帝幸江都復令侗與余紫光祿大夫段達

太府卿元文都攝民部尚書韋津右武衛將軍皇甫無逸
等總留臺事宇文化及之弒逆也文都等議以侗元德太
子之子屬最為近於是乃共尊立大赦改元曰皇泰謚帝
曰明廟號世祖追尊元德太子為孝成皇帝廟號世宗尊
其母劉良娣為皇太后以段達為納言右翊衛大將軍攝
禮部尚書王世充亦納言左翊衛大將軍攝吏部尚書元
文都內史令左驍衛大將軍盧楚亦內史令皇甫無逸兵
部尚書右武衛大將軍郭文懿內史侍郎趙長文黃門侍
郎委以機務為金書鐵券藏之宮掖于時雒陽稱段達等
為七貴未幾宇文化及立秦王子浩為天子來次彭城所經

城邑多從逆黨侗懼遣使者蓋琮馬公政招懷李密密遂
遣使請降侗大悅禮其使甚厚即拜密為太尉尚書令魏
國公令拒化及下書曰我大隋之有天下於茲二十八載
高祖文皇帝聖畧神功載造區夏世祖明皇帝則天法地
混一華戎東暨蟠木西通細柳前踰丹徼後越幽都日月
之所臨風雨之所至圓首方足稟氣食毛莫不盡入提封
皆為臣妾加以寶貺畢集靈瑞咸臻作樂制禮移風易俗
智周寰海萬物咸受其賜道濟天下百姓用而不知世祖
往因歷試統臨南服自居皇極順茲望幸所以往歲省方
展禮肆觀傳鑿駐蹕按駕清道八屯如昔七萃不移豈意豐

起非常逮於軒陛災生不意延及冕旒奉諱之日五情崩
隕攀號荼毒不能自勝自聞之自古代有屯剝賊臣逆子
無世無之至如字文化及世傳庸品其父述往屬時來早
霜厚渴賜以婚媾置之公謂位尊九命祿重萬鍾禮極人
臣榮冠世表徒承海嶽之恩未有道塵之益化及以此下
材夙蒙顧盼出入外內奉望階墀昔陪藩國統領禁衛及
從升皇祚陪列九卿但本性兇狠恣其貪穢或交結惡黨
或侵掠貨財事重刑篇狀盈獄簡在上不遺簪履恩加草
芥應至死辜每蒙恕免三經除解尋復本職再從邊裔仍
即追還生成之恩昊天罔極獎擢之義人事空聞化及梟

列傳三十一 隋書五十九 五
獍為心禽獸不若縱毒與禍傾覆行宮諸王兄弟一時殘
酷痛暴行路世不忍言有窮之在夏時大戎之於周代豐
辱之極亦未是過朕所以刻骨崩心飲膽嘗血瞻天視地
無處容身今王公卿士庶寮百辟咸以大寶鴻名不可顛
墜元兇巨猾須早夷殄翼戴朕躬嗣守寶位顧惟寡薄志
不逮此今者出黼宸而杖旄鉞釋衰麻而擐甲冑銜冤誓
衆忍淚治兵指日遄征以平大盜且化及偽立秦王之子
幽渴比於囚拘其身自稱霸王專擅擬於九五履踐禁御
據有宮闈昂首揚眉初無慙色衣冠朝望外懼克威志士
誠臣內皆憤怨以我義師順彼天道梟夷醜族匪夕伊朝

太尉尚書令魏公丹誠內發安畧外舉率勤王之師討違
天之逆果毅爭先能寵競逐金鼓振龍警若火焚毛鋒刃縱
橫如湯沃雪魏公志在匡濟投袂前驅朕親御六軍星言
繼進以此衆戰以斯順舉孽山可以動射石可以入況擁
此人徒皆有離德京都侍衛西憶鄉家江左淳民南思邦
邑比來表書駱驛人信相尋若王師一臨舊章暫覩自
應解甲倒戈冰銷葉散且聞化及自恣天奪其心殺戮不
辜挫辱人士莫不道路仄目號天跼地朕今復讎雪恥梟
輟者一人拯溺救焚所哀者士庶唯天鑒孔殷祐我宗社
億兆感義俱會朕心梟戮元兇策勳飲至四海交泰稱朕

意焉兵術軍機並受魏公節度密見使者大悅北面拜伏
臣禮甚恭密遂東拒化及七貴頗不協陰有相圖之計未
幾元文都盧逸郭文懿趙長文等為世充所殺皇甫無逸
遁歸長安世充詣侗所陳謝辭情哀苦侗以為至誠命之
上殿被髮為盟誓無貳志自是侗無所關預侗心不能平
遂與記室陸士季謀圖世充事不果而止及世充破李密
眾望益歸之遂自為鄭王總百揆加九錫備法物侗不能
禁也段達雲定興等十人入見於侗曰天命不常鄭王功
德甚盛願陛下揖讓告禪之邊唐虞之迹侗聞之怒曰天下
者高祖之天下東都者世祖之東都若隋德未衰此言不

可發必天命有改亦何論於禪讓公等或先朝舊臣續宣
上代或勤王立節身服軒冕忽有斯言朕復當何所均神
色慄然待衛者莫不流汗既而退朝對良娣而泣世充更
使人謂侗曰今海內未定須得長君待四方又安復子明
辟必若前盟義不違負侗不得已遜位於世充遂被幽於
含涼殿世充僭偽號封為潞國公邑五千戶月餘宇文儒
童裴仁基等謀誅世充復尊立侗事泄並見害世充兄世
暉因勸世充害侗以絕民望世充遣其姪行本齎鴆詣侗所
曰願皇帝飲此酒侗知不免請與母相見不許遂布席焚香
禮佛呪曰從今以去願不生帝王尊貴之家於是仰藥不

能時絕更以帛縊之世充偽謚為恭皇帝

齊王暕字世拙小字阿孩美容儀踈眉目少為高祖所愛
開皇中立為豫章王邑千戶及長頸涉經史尤工騎射初
為內史令仁壽中拜揚州總管沿淮以南諸軍重煬帝即
位進封齊王增邑四千戶大業二年帝初入東都盛陳鹵
簿暕為軍道尋轉豫州牧俄而元德太子薨朝野注望咸
以暕當嗣帝又勅吏部尚書牛弘妙選官屬公卿由是多
進子弟明年轉雍州牧尋徙河南尹開府儀同三司元德
太子左右二萬餘人悉隸於暕寵遇益隆自樂平公主及
諸戚屬競來致禮百官稱謁填咽道路暕頗驕恣昵近小

人所行多不法遣喬令則劉屈安裴該皇甫謹庫狄仲錡
陳智偉等求聲色狗馬令則等因此放縱訪人家有女者
輒矯暕命呼之載入暕宅因緣藏隱恣行淫穢而後遣之
仲錡智偉二人詣隴西過炙諸胡責其名馬得數匹以進
於暕暕今還主仲錡等詐言王賜將歸於家暕不之知也
又樂平公主嘗奏帝言柳氏女美者帝未有所答久之主
復以柳氏進於暕暕納之其後帝問主柳氏安所在主曰在
齊王所帝不悅暕於東都營第大門無故而崩聽事殿中
斫識者以為不祥其後從帝幸榆林暕督後軍步騎五萬
恒與帝相去數十里而舍會帝於汾陽宮大獵詔暕以千

騎入圍暕大獲麋鹿以獻而帝未有得也乃怒從官皆言
為暕左右所過獸不得前帝於是發怒求暕罪失時制縣
令無故不得出境有伊闕令皇甫詡幸於暕違禁將之汾
陽宮又京兆人達奚通有妾王氏善歌貴遊宴聚或要致
於是展轉亦出入王家御史韋德裕希旨劾暕帝命甲士
十餘大索暕第因窮治其事暕妃韋氏者民部尚書沖之
女也早卒暕遂與妃姊元氏婦通遂產一女外人皆不得
知陰引喬令則於第內酣宴令則稱慶脫暕帽以為歡樂
召相工令徧視後庭相工指妃姊曰此產子者當為皇后
王貴不可言時國無儲副暕自謂次當得立又以元德太

子有三子內常不安陰挾左道為厭勝之事至是事皆發
帝大怒斬令則等數人妃姊賜死暕府寮皆斥之邊遠時
趙王杲猶在孩孺帝留侍臣曰朕唯有暕一子不然者當
肆諸市朝以明國憲也暕自是恩寵日衰雖為京尹不復
關預時政帝恒令武喜郎將一人監其府事暕有微失武
賁輒奏之帝亦常慮暕生變所給左右皆以老弱備負而
已暕每懷危懼心不自安又帝在江都宮元會暕具法服
將朝無故有血從裳中而下又坐齋中見群鼠數十至前
而死視皆無頭暕意甚惡之俄而化及作亂兵將犯暕帝
聞顧謂蕭后曰得非阿孩邪其見踈忌如此化及復令人

捕竦時尚卧未起賊既進竦驚曰是何人莫有報者竦
猶謂帝令捕之因曰詔使且緩兒不負國家賊於是曳至街
而斬之及其二子亦遇害竦竟不知殺者為誰時年三十
四有遺腹子政道與蕭后同入突厥處羅可汗號為隋王
中國人没入北蕃者悉配之以為部落以定襄城處之及
突厥滅歸于大唐授員外散騎侍郎

趙王杲小字季子年七歲以太業九年封趙王尋授光祿
大夫拜河南尹從幸淮南詔行江都太守事杲聰令美容
儀帝有所製詞賦杲多能誦之性至孝常見帝風動不進
膳杲亦終日不食又蕭后當祭杲先請試炷后不許之杲

泣請曰后所服藥其蒙嘗之今炎烈聽嘗炷悲咽不已後
竟為其停爇由是尤愛之後遇化又及杲在帝側號慟不
已裴虔通使賊斬之於帝前血漉御服時年十二
史臣曰元德太子雅性謹重有君人之量降年不永哀哉
齊王敏慧可稱志不及遠頗懷驕僭故煬帝疎而忌之心
無父子之親貌展君臣之敬身非積善國有餘殃至今趙及
燕越皆不得其死悲夫

列傳卷第二十四

隋書五十九

列傳卷第二十五

隋書六十

特進臣魏

徵

上

崔仲方

崔仲方字不齊博陵安平人也祖孝芬魏荊州刺史父宣猷周小司徒仲方少好讀書有文武才幹年十五周太祖見而異之令與諸子同就學時高祖亦在其中由是與高祖少相款密後以明經為晉公宇文護參軍事尋轉記室遷司玉大夫與斛斯徽柳敏等同修禮律後以軍功授平東將軍銀青光祿大夫賜爵石城縣男邑三百戶時武帝陰有滅齊之志仲方獻二十策帝大奇之後與少內史趙

芬刪定格式尋從帝攻晉州齊之亞將崔景嵩請為內應
仲方與段文振等登城應接遂下晉州語在文振傳又令
仲方說翼城等四城下之授儀同進爵范陽縣侯後以行
軍長史從鄭公王軌禽陳將吳明徹於呂梁仲方計策居多
宣帝嗣位為少內史奉使淮南而還會帝崩高祖為丞相
與仲方相見握手極懽仲方亦歸心焉其夜上便宜十八
事高祖並嘉納之又見衆望有歸陰勸高祖應天受命高
祖從之及受禪上召仲方與高頴議正朔服色事仲方曰
晉為金行後魏為水周為木皇家以火承木得天之統又
聖躬載誕之初有赤光之瑞車服旗牲並宜用赤又勸上
除六官請依漢魏之舊上皆從之進位上開府尋轉司農
少卿進爵安固縣公令發丁二萬於朔方靈武築長城東
至黃河西拒綏州南至勃出嶺縣亘七百里明年上復令
仲方發丁十五萬於朔方已東緣邊險要築數十城以遏
胡寇丁父艱去職未朞起為魏州刺史上書論取陳之策
曰臣謹案晉太康元年歲在庚子晉武平兵至今開皇六年
歲次景午合三百七載春秋寶乾圖云王者三百年一蠲
法今三百之期可謂備矣陳氏草竊起於景子至今景午
又子午為衝陰陽之忌昔史趙有言曰陳顓頊之族為水
故歲在鶉火必滅又云周武王克商封胡公滿於陳至魯

昭公九年陳災禪龜曰歲五及鷄火而後陳亡楚剋之楚
祝融之後也為火正故復滅陳陳承舜後舜承顓頊雖太
歲左行歲星右轉鷄火之歲陳族再亡戊午之年媯虞運
盡語迹雖殊考事無別皇朝五運相承感火德而王國號
為隋與楚同分楚是火正午為鷄火未為鷄首申為實沈
酉為大梁既當周秦晉趙之分若當此分發兵將得歲之
助以今量古陳滅不疑臣謂午未申酉並是數極蓋聞天
時不如地利地利不如人和況主聖臣良兵強國富動植
迴心人神叶契陳既主昏於上民譴於下險無百二之固
衆非九國之師夏癸殷辛豈不能立獨此島夷而稽天討

伏度朝廷自有宏謨但芻蕘所見冀申螢爝今唯涸武曷
下斷和除方吳海等州更帖精兵密營渡計益信義荆基郢
等州速造舟楫多張形勢為水戰之具蜀漢二江是其上
流水路衝要必爭之所賊雖於流頭荆門延洲公安巴陵
隱磯夏首斬口益城置舡然終聚漢口峽口以水戰大決
若賊必以上流有軍令精兵赴援者下流諸將即須擇便
橫渡如擁衆自衛上江水軍鼓行以前雖恃九江五湖之
險非德無以為固徒有三吳百越之兵無恩不能自立上
覽而大悅轉基州刺史徵入朝仲方因面陳經畧上善之
賜以御袍袴并雜綵五百段進位開府而遣之及大舉伐

陳以仲方為行軍總管率兵與秦王會及陳平坐事免未
幾復位後數載轉會州總管時諸羌猶未賓附詔令仲方
擊之與賊三十餘戰紫祖四鄰望方涉題干碛小鐵圍山
白男王弱水等諸部悉平賜奴婢一百三十口黃金三十
斤雜物稱是仁壽初授代州總管在職數年被徵入朝會
上崩漢王諒餘黨據呂州不下煬帝令周羅暉攻之中流
矢卒乃令仲方代總其眾月餘拔之進位大將軍拜民部
尚書尋轉禮部尚書後三載坐事免尋為國子祭酒轉太
常卿朝廷以其衰老出拜上郡太守未幾以母憂去職歲
餘起為信都太守上表乞骸骨優詔許之尋卒於家時年
七十六子民壽官至王定陶令

于仲文

兄顯

從父弟璽

于仲文字次武建平公義之兄子父寔周大左輔燕國公
仲文少聰敏鬢齒就學耽閱不倦其父異之曰此兒必興
吾宗矣九歲嘗於雲陽宮見周太祖太祖問曰聞兒好讀
書書有何事仲文對曰資父事君忠孝而已太祖甚嗟歎
之其後就博士李祥受周易三禮畧通大義及長個儻有
大志氣調英拔當時號為名公子起家為趙王屬尋遷安
固太守有任杜兩家各失牛任得一牛兩家俱認州郡久
不能決益州長史韓伯雋曰于安固少聰察可令決之仲

文曰此易解耳於是令二家各驅牛群至乃放所認者遂
向任氏群中文陰使人微傷其牛任氏嗟惋杜家自若仲
文於是訶詰杜氏杜氏服罪而去始州刺史屈突尚宇文
護之黨也先坐事下獄無敢繩者仲文至郡窮治遂竟其
獄蜀中爲之語曰明斷無雙有于公不避強禦有次武未
幾徵爲御正下大夫封延壽郡公邑三千五百戶數從征
伐累勲授儀同三司宣帝時爲東郡太守高祖爲丞相尉
迴作亂遣將檀讓收河南之地復使人誘致仲文仲文拒
之迴怒其不同已遣儀同宇文威攻之仲文迎擊大破威
衆斬首五百餘級以功授開府迴又遣其將宇文胄渡石

濟宇文威鄒紹自白馬二道俱進復攻仲文賊勢逾盛人
情大駭郡人赫連僧伽敬子哲率衆應迴仲文自度不能
支奔妻子將六十餘騎開城西門潰圍而逃爲賊所追且
戰且行所從騎戰死者十七八仲文僅而獲免達於京師
迴於是屠其三子一女高祖見之引入卧內爲之下泣賜
綵五百段黃金二百兩進位大將軍領河南道行軍總管
給以鼓吹馳傳詣洛陽發兵以討檀讓時韋孝寬拒迴於
永橋仲文詣孝寬有所計議時總管宇文忻頗有自疑之
心因謂仲文曰公新從京師來觀執政意何如也尉迴誠
不足平正恐事寧之後更有藏弓之慮仲文懼忻生變因

謂之曰丞相寬仁大度明識有餘苟能竭誠必心無貳仲
文在京三日頻見三善以此為觀非尋常人也忻曰三善
如何仲文曰有陳音敵者新從賊中來即令其弟難敵召
募鄉曲從軍討賊此其有大度一也上士宋謙奉使勾檢
謙緣此別求佗罪丞相責之曰入網者自可推求何須別
訪以虧大體此其不求人私二也言及仲文妻子未嘗暴
潛滋此其有仁心三也忻自此遂安仲文軍至汴州之東
倪鳩與迴將劉子晉即劉浴德等相遇進擊破之軍次襄隄
去梁郡七里讓擁眾數萬出艾以羸師挑戰讓悉眾來拒
仲文偽北讓軍頗驕於是遣精兵左右翼擊之大敗讓軍

生獲五千餘人斬首七百級進攻梁郡迴守將劉子寬奔
城遯走仲文追擊斃斬數千人子寬僅以身免初仲文在
襄隄諸將皆曰軍自遠來士馬疲敝不可決勝仲文令三
軍趣食列陳大戰而破賊諸將皆請曰前兵疲不可交
戰竟而尅勝其計安在仲文笑曰吾所部將士皆山東人
果於速進不宜行八乘勢擊之所以制勝諸將皆以為非
所及也進擊曹州獲盜所署刺史李仲康及上儀同房勁
檀讓以餘眾屯城武別將高士儒以萬人屯永昌仲文詐
移書州縣曰大將軍至可多積粟讓謂仲文未能卒至方
槌牛享士仲文知其意選精騎龍衣之一日便至遂拔城武

迴將蒂毗羅衆十萬屯於沛縣將攻徐州其妻子在金鄉
仲文遣人詐爲毗羅使者謂金鄉城主徐善淨曰檀讓明
日午時到金鄉將官蜀公令賞賜將士金鄉人謂爲信然
皆喜仲文簡精兵爲建迴旗幟倍道而進善淨望見仲文
軍且至以爲檀讓乃出迎謁仲文執之遂取金鄉諸將多
勸屠之仲文曰此城是毗羅起兵之所當寬其妻子其兵
可自歸如即屠之彼望絕矣衆皆稱善於是毗羅恃衆來
薄官軍仲文背城結陣去軍數里設伏於麻田中兩陣纔
合伏兵發俱曳柴鼓噪塵埃漲天毗羅軍大潰仲文乘之
賊皆投沫水而死爲之不流獲檀讓檻送京師河南悉平

毗羅匿滎陽人家執斬之時首闕下勒石紀功樹於泗上
入朝京師高祖引入卧内女草極歡賜雜綵千餘段妓女
十人拜柱國河南道大行室屬高祖受禪不行未幾其叔
父太尉翼坐事下獄仲文少爲吏所簿於獄中上書曰臣
聞春生夏長天地平分之切子孝臣誠人倫不易之道曩
者尉迴逆亂所在影從臣仁處關河地居衝要嘗膽枕戈
誓以必死迴時購臣位太尉利軍邑萬戶臣不顧妻子不愛
身命冒白刃潰重圍三男一女相繼淪沒披露肝膽馳赴
闕庭蒙陛下授臣以高官委臣以兵革于時河南兇寇狼
顧鴟張臣以羸兵八千掃氛氣殺推劉寬於梁郡破檀讓

於蓼得平曹州復東郡安城武定永昌解亳州圍殄徐州
賊席毗十萬之衆一戰土崩河南蟻聚之徒應時戡定當
群兇問鼎之際黎元乏王之辰臣第二叔翼先在幽州總
馭燕趙南鄰羣寇北捍旄頭內外安撫得免罪戾臣第五叔
智建撫冀水與王謙爲鄰式遏蠻陬鎮綏蜀道臣兄顓作
牧淮南坐制勅敵乘機勦定傳首京師王謙切據二江叛
換三蜀臣第三叔義受服廟庭龔行天討自外父叔兄弟
皆當文武重寄或銜命危難之間或侍衛鉤陳之側合門
誠款異有可明伏願
始錄涓滴之功則寒
更然枯骨生肉不勝區區之至謹

冒死以聞上覽表并羣
俱釋之未幾詔仲文率兵屯白狼
塞以備胡明年拜行軍
元帥統十二總管以擊胡出服遠
鎮遇虜破之斬首千餘
級六畜巨萬計於是從金河出白
道遣總管辛明瑾元澄
賀蘭志呂楚段諧等二萬人出盛
樂道趨那頡山至護軍
川北與虜相遇可汗見仲文軍容
齊肅不戰而退仲文率
騎五千踰山追之不及而還上
以尚書文簿繁雜更多
效計令仲文勘錄省中
事其所發
適甚多上嘉其明斷厚
加賞焉上每憂轉運不
給仲文
請決渭水開漕渠上然
之使仲文總其事及伐
陳之役拜
行軍總管以舟師自草
山出漢口陳郢州刺史
荀法尚魯

山城主誕法澄鄧沙彌等請降秦王俊皆令仲文以兵納之高智慧等作亂江南復以行軍總管討之時三軍之食米粟踊貴仲文私糶軍糧除名明年復官爵率兵屯馬邑以備胡數旬而罷晉王以仲文有將領之才每常屬意至是奏之乃令督晉王軍府事後突厥犯塞晉王爲元帥以仲文將前軍大破賊而還仁壽初拜太子右衛率煬帝即位遷右翊衛大將軍參掌文武選事從帝討吐谷渾進位光祿大夫甚見親幸武遂東之役仲文率軍指樂浪道軍次烏骨城仲文簡羸馬五百數千置於軍後既而率衆東過高麗出兵掩襲輜重仲文迴擊大破之至鴨綠水高麗

將乙支文德詐降來入其營仲文先奉密旨若遇高元及文德者必擒之至是文德來仲文將執之時尚書右丞劉士龍爲慰撫使固止之仲文遂捨文德尋悔遣人給文德曰更有言議可復來也文德不從遂濟仲文選騎渡水追之每戰破賊文德遺仲文詩曰神策究天文妙算窮地理戰勝功既高知足願云止仲文答書諭之文德燒柵而逃時宇文述以糧盡欲還仲文議以精銳追文德可以有功述固止之仲文怒曰將軍仗十萬之衆不能破小賊何顏以見帝且仲文此行也固無功矣述因厲聲曰何以知無功仲文曰昔周亞夫之爲將也見天子軍容不變此決在

一人所以功成名遂今者人各其心何以赴敵初帝以仲文有計畫令諸軍諮稟節度故有此言由是述等不得已而從之遂行東至薩水宇文述以兵餒退歸師遂敗績帝以屬使諸將皆委罪於仲文帝大怒釋諸將獨繫仲文仲文憂恚發病困篤方出之卒於家時年六十八撰漢書刊繁三十卷略覽三十卷有子九人欽明最知名

顛字元武身長八尺美鬚眉周大象宰宇文護見而器之妻以季女尋以父勲賜爵新野郡公邑三千戶授大都督遷車騎大將軍儀同三司其後累以軍功授上開府歷左右宮伯郢州刺史人象中以水軍總管從韋孝寬經畧淮

南顛率開府元紹貴上儀曰毛猛等以舟師自潁口入淮陳防主潘深弃柵而走進與孝寬攻拔壽陽復引師圍硤石守將許約懼而降顛乃拜東廣州刺史尉迴之反也時總管趙文表與顛素不協顛將圖之因卧閣內詐得心疾謂左右曰我見兩三人至我前者輒大驚即欲斫之不能自制也其有賓客候問者皆令去左右顛漸稱危篤文表往候之令從者至大門而止文表獨至顛所顛欬然而起抽刀斫殺之因唱言曰文表與尉迴通謀所以斬之其麾下無敢動者時高祖以尉迴未平慮顛復生邊患因而勞勉之即拜吳州總管陳將錢茂和率數千人襲江陽顛逆

擊走之陳復遣將陳紀周羅暉燕合兒等襲顛顛拒之而退賜綵數百段高祖受禪文表弟詣關稱兄無罪上令案其事大傅竇熾等議顛當死上以門著勲績特原之貶為開府後襲爵燕國公邑萬六千戶尋以疾免開皇七年拜澤州刺史數年免職卒於家子世虔嗣

璽字伯符父翼仕周為上柱國幽州總管任國公高祖為丞相尉迴作亂遣人誘翼翼鎖其使送之長安高祖甚悅及高祖受禪翼入朝上為之降榻握手極歡數日拜為太尉歲餘卒謚曰穆璽少有器幹仕周起家右侍上士尋授儀同領右羽林遷少胥附武帝時從齊王憲破齊師於洛

陽以功賜爵魏縣子邑五百戶尋從帝幸齊加開府改封黎陽縣公邑千二百戶尋職方中大夫及宣帝嗣位轉右勳曹中大夫尋領右忠義高祖為丞相加上開府及受禪進位大將軍拜汴州刺史甚有能名上聞而善之優詔褒揚賜帛百匹尋加上大將軍進爵郡公轉邵州刺史在州數年甚有恩惠後檢校江陵總管州人張願等數十人詣關上表請留璽上嘉歎良久令還邵州父老相賀尋遷洛州刺史復為熊州刺史並有惠政以疾徵還京師仁壽初卒于家謚曰靜有子志本

段文振

文振北海期原人也相壽魏滄州刺史父威周洮河甘肅四州刺史文振少有膂力膽氣過人性剛直明達時務初為宇文護親信護知其有幹用擢授中外府兵曹後武帝攻齊海昌王尉相貴於晉州其亞將侯子欽崔景嵩為內應文振杖槊登城與崔仲方等數十人先登文振隨景嵩至相貴所拔佩刀劫之相貴不敢動城遂下帝大喜賜物千段進拔文侯華公直壁三城皆有力焉及攻并州陷東門而入齊安德王延宗懼而出降錄前後勳將拜高秩以說毀獲譴因授上儀同賜爵襄國縣公邑千戶進平鄴都又賜綺羅二千匹後從破三道擊稽胡破之歷相州別

加為揚州總管長史入為天官都上士從韋孝寬經吳淮南出而尉迴作亂時文振者母妻子俱在鄴城迴遣人誘之文振不顧歸於高祖高祖引為丞相拔領宿衛驃騎司馬消難之奔陳也高祖令文振安集淮南遂除衛尉少卿兼內史侍郎尋以行軍長史從達奚震討叛蠻平之加上開府歲餘遷鴻臚卿衛王爽征突厥以文振為長史坐勳簿不實免官後為石河二州刺史甚有威惠遷蘭州總管封龍崗縣公突厥犯塞以行軍總管擊破之逐北至居延塞而還九年大舉伐陳以文振為元帥秦王司馬別領行軍總管及平江南授揚州總管司馬尋轉并州總管司

馬以母憂去職未幾起令視事固辭不許後數年拜雲州
總管尋為太僕卿十九年突厥犯塞文振以行軍總管拒
之遇達頭可汗於沃野擊破之文振先與王世積有舊初
文振北征世積遺以駝馬北還世積以罪被誅文振坐與
交關功遂不錄明年率眾出靈州道以備胡無虜而還越
舊蠻叛文振擊平之賜奴婢二百口仁壽初嘉州獠作亂
文振以行軍總管討之引軍山谷間為賊所襲前後阻險
不得相救軍遂大敗文振復收散兵擊其不意竟破之文
振性素剛直無所降下初軍次益州謁蜀王秀貌頗不恭
秀甚銜之及此奏文振師徒喪敗右僕射蘇威與文振有
隙因而譖之坐是除名及秀廢黜文振上表自申理高祖
慰諭之授大將軍尋拜靈州總管煬帝即位徵為兵部尚
書待遇甚重從征吐谷渾文振督兵屯雪山連營三百餘
里東接楊義臣西連張壽合圍渾主於覆袁川以功進位
右光祿大夫帝幸江都以文振行江都郡事文振見高祖
時容納突厥啓民居于塞內妻以公主賞賜重疊乃天業
初恩澤彌厚文振以狼子野心恐為國患乃上表曰臣聞
古者遠不間近夷不亂華周宣外攘戎狄秦帝築城萬里
蓋遠圖良筭弗可忘也竊見國家容受啓民資其食假
以地利如臣愚計竊又未安何則夷狄之性無親而貪弱

則歸投強則反噬蓋其本心也臣學非博覽不能遠見且聞
晉朝劉曜梁代侯景近事之驗衆所共知以臣量之必爲國
患如臣之計以時喻遣令出塞外然後明設烽候緣邊鎮防
務令嚴重此乃萬歲之長策也時兵曹郎斛斯政專掌兵
事文振知政險薄不可委以機要屢言於帝帝並弗納及
遼東之役授左候衛大將軍出南蘇道在道疾篤上表曰
臣以庸微幸逢聖世濫蒙擢榮冠儕伍而智能無取叨
竊已多言念國恩用忘寢食常思効其鳴吠以報萬分而
攝養乖方疾患遂篤抱此深愧永歸泉壤不勝餘恨輕陳
管穴竊見遼東小醜未服嚴刑遠降六師親勞萬乘但夷

狄多詐深須防擬口陳降

忖懷背叛詭伏多端勿得便

受水潦方降不可淹遲唯

嚴勸諸軍星馳速發水陸俱

前出其不意則平壤孤城

不可拔也若傾其本根餘城自

剋如不時定脫遇秋霖深可艱阻兵糧又竭強敵在前韎

韠出後遲疑不決非上策也後數日卒於師帝省表悲歎

久之贈光祿大夫尚書右僕射北平侯謚曰襄賜物一千

段粟麥二千石威儀鼓吹送至墓所有子十人長子詮官

至武牙郎將次綸少以俠氣聞文振弟文操大業中爲武

賁郎將性甚剛嚴帝令督祕書省學士時學士頗存儒雅

文操輒鞭撻之前後或至千數時議者鄙之

史臣曰仲方兼資文武雅有籌筭伐陳之策信為深遠矣
聲績克舉夫豈徒言哉仲文博涉書記以英畧自許尉迥
之亂遂立功名自茲厥後屢當推轂遼東之役實喪師徒
斯乃大樹將顛蓋亦非戰人之罪也交振豈以膽寒見重
終懷壯夫之志時廷謹言類稱諒百其取高在厚秩
以也

列傳卷第五

隋書

卷第五



